

吏部卷之三

典章九

官制

三流官軍官投下官教官醫官陰陽官  
倉庫官局院官場務官站官首領官捕盜官

流官

勾當官九品職官內選任至元七年九月尚書吏禮部承奉尚書省判送刑部呈見設勾當官差占不敷踏逐到阿馬都充勾當官遇闕補正送本部定擬到除已准待缺員數並阿馬都待缺外今後各部勾當官有缺合於九品職官內選注相應人員補充省府准呈

遷轉闕廣官員

至元二十八年九月二十七日江西行省准

中書咨該奏准遷調福建行省官員咨請與都省差去官

照依下項事理定奪事准此除外內一項接連地面已任滿有解由官員願遷兩廣福建者依例陞等擬注准此省府合下仰照驗若有廣東福建曾勾當南北官員已經任滿得替給到解由省會各人並赴行省求敘及近裏曾經仕官即日閑居雖非兩廣福建人員願於彼處勾當者亦聽自揀南人亡宋時曾仕宦或歸附亦曾歷仕通識治體之人願仕廣東福建者親費文憑赴省求敘

**久任官員遷轉**

至元三十年御史臺咨呈奉中書省劄付來呈

至元三十年五月十六日聖旨有來如今聖旨大體例裏行省裏宣慰司裏外頭各衙門裏官人五年十年家不曾遷轉底有做官底人日月多了呵他每根底也不便當百姓每根底也不便當上位道是呵中書省官人每勾諫著遷轉呵怎生奏呵那般者麼道聖旨了也欽此呈奉中書省

劄付該若有未經遷轉人員照勅明白姓名開口奏此

**選官從本管官司保勘**至元二十八年十月行省照得先准中書省咨奏准遷轉福建兩廣官員已經劄付本道據接連地面已任滿有解由官員願入廣者連將解回呈省去後照得中書省咨坐到事內一項照勘應用人員見有窠闕若果有缺多不敷調用聽於行省宣慰司令譯史宣使奏差察司書吏內選擬皆從本管官司保舉仍須不曾有犯贓罪之人准此省府除外仰欽依奏准聖旨事意施行外據察司書吏就便行移廉訪司如有願入廣者依例令本管官司保勘呈省

**銓選官從元籍保勘**至大三年三月行臺准御史臺咨來咨江西廉訪司申今後遷除官員合無除犯罪黜降應任邊遠及自願注入閩廣等選者依例定奪外據江南江北道

腹裏地面聽除官員及父母年老別無侍丁應任邊方者  
依驗前咨合得品職從公鄰近銓注似望當世仕官之人  
各安其分准此呈奉尚書省劄付送吏部議得常選流官  
各有應任地方其有年近致仕者省部聽除之際亦嘗量  
依近裏果有親身七十以上別無以次侍丁若便憑准本  
官自具詞因一例近便遷除中間恐有不實因而壅塞腹  
裏窠闕不能遷調深爲未便以此參詳合從原籍官員自下  
而上保勘明白至日斟酌銓注若有詐冒從監察御史廉  
訪司體察似爲相應具呈照詳都省准呈仰依上施行

# 軍官

定奪軍官品級至元二十一年三月樞密院猴兒年二月初二日伯顏丞相等官員奏在前軍官每那的哥二的替頭裏委付了呵只管那舊軍有來又爲護切了麼道與了名分呵却無他管的軍有爲此上交他商量者麼道聖旨有來俺與中書省官伯顏御史臺官每衆人一同商量得這漢兒軍官每委付了到今多時也只交他每根底占定做官呵無體例的一般有麼道鎮撫千戶之上三年爲滿交遷轉百戶以下不須遷轉麼道擬定來文將元帥招討總管把總這四等名兒重的一般有這其間裏幹端別十八里長河西河林塔二兒久等處似此邊遠田地裏有底權且依舊其餘近裏有底革去了呵萬戶千戶百戶這名分

裏分作上中下三等委付呵怎生麼道擬定來後頭案同的勾當有呵臨差時的時節對付得或元帥或招討名分裏交行了呵無事的其間裏休交行呵怎生麼道擬定來奏呵奉聖旨恁的言語是有那般者欽此

至元二十一年二月十六日樞密院官同中書省官御史臺官奏准萬戶千戶百戶等官員職名品級

上中下萬戶府

上萬戶府七千軍之上

達魯花赤一員 萬戶一員 副萬戶一員

前件達魯花赤萬戶俱作正三品虎符副萬戶作從三品虎符

中萬戶府五千軍之上

達魯花赤一員 萬戶一員 副萬戶一員

前件達魯花赤萬戶俱作從三品虎符副萬戶作正

四品金牌

下萬戶府三千軍之上

達魯花赤一員 萬戶一員 副萬戶一員

前件達魯花赤萬戶俱作從三品虎符副萬戶作從

四品金牌

上中下千戶所

上千戶所七百軍之上

達魯花赤一員 千戶一員 副千戶一員

前件達魯花赤千戶俱作從四品金牌副千戶作從

五品金牌

中千戶所五百軍之上

達魯花赤一員 千戶一員 副千戶一員

前件達魯花赤千戶俱作正五品金牌副千戶作從五品金牌

下千戶所三百軍之上

達魯花赤一員 千戶一員 副千戶一員

前件達魯花赤千戶俱作從五品金牌副千戶作正六品銀牌

上下百戶

上百戶七千名軍之上百戶二員

蒙古人一員 漢兒人一員

前件百戶二員俱作從六品銀牌

下百戶五百名軍之上百戶一員

前件百戶一員作從七品銀牌

萬戶府鎮撫



上萬戶府鎮撫二員 蒙古人一員 漢兒人一員

前件鎮撫二員俱作正五品金牌

中萬戶府鎮撫二員 蒙古人一員 漢兒人一員

前件鎮撫二員俱作從五品金牌

下萬戶府鎮撫二員 蒙古人一員 漢兒人一員

前件鎮撫二員俱作正六品銀牌

千戶所彈壓

上千戶所彈壓二員俱作從八品

蒙古人一員 漢兒人一員

中千戶所彈壓二員俱作從九品

蒙古人一員 漢兒人一員

下千戶所彈壓二員俱作從九品

蒙古人一員 漢兒人一員

首領官

上中下萬戶府

經歷一員從九品

知事一員從八品

提領案牘

一員受院劄

千戶所

上千戶提控案牘一員

中千戶都目一員

下千戶吏目一員

鎮撫所

上設都目一員 中下各設吏目一員

百戶下

俱設軍司

軍功合指實跡至元二十二年十二月御史臺承奉中書省

劄付吏部呈今後到選人員雖行省咨保從軍渡江經涉艱險多負勞苦不見開寫明白實跡似難陞等擬合移咨行省照勘委於至元十一年十二月內隨大軍渡江者合爲定例除管軍官並首領官渡江獲功陞轉並追捕叛賊劄立奇功者已有定例外據行省行院受宣勅有職人員並令史譯史通事宣使奏差及曾受行省行院劄付有出身人員經涉艱險並有軍功者亦合指定自幾年月日於何處地面負過艱險軍功實跡保勘明白以憑依例陞遷所據已除人員任回通理如蒙准呈今後到選人員省咨到日照依上例定奪都省准呈

**管蒙古軍官陞除**皇慶元年正月行臺准御史臺咨准樞密院咨至大四年閏七月二十日奏皇帝登寶位開了詔書凡事從新拯治依着世祖皇帝聖旨行時分省得的題奏

有萬戶千戶百戶內並萬戶府千戶所鎮撫彈壓因公陞除別勾當裏去了呵管蒙古軍馬的人每元管來的軍裏委付他每的弟姪兒男者管漢軍的人每陞除別勾當去了呵當每替頭裏委付別人者麼遺世祖皇帝立定體例來在後使見職的人每捏合着謊文字委付了的也有官吏每覷面皮故違了世祖皇帝立制在先委付了的的人每也有來別了大體例主仗着委付了的也有如今從新拯治時分上位明白奏知管達達軍馬人每的子孫於元管軍馬裏依例委付管漢軍的人每因公陞除別勾當去了呵依着世祖皇帝定制他每替頭裏委付別人今後聽了聖旨故違元保來的官吏並明知道主仗着委付的大每根底交監察廉訪司管察知呵罷了勾當斷罪呵怎生議定來奏呵奉聖旨那般者欽此咨請欽依施行

軍官依例保舉皇慶元年二月行臺准御史臺咨樞密院咨至大四年閏七月二十日奏皇帝登寶位開了詔書凡事從新整治依着世祖皇帝聖旨行時分省得題奏有做官的人每事故了呵他每替頭裏交他每嫡長子行者嫡長子沒了呵嫡長孫行者嫡長孫沒了呵交長孫嫡長子行者若嫡長孫俱無呵應作的弟兄內交行者麼道世祖皇帝立定體例近年以來軍官每並奧魯官亦將嫡長子長孫不肯依例保舉覷面皮將妾妻兒男並不應的弟兄每根底偏向着亂行保舉上頭時急不能完備相爭七八年間消乏了他每氣力緣故是這般有如今從新整治時分今後不依著世祖皇帝定制行省地裏要了肚皮覷面皮有體例人不行保舉却將不應的人亂行保舉的官吏每根底交監察廉訪司查知呵罷了勾當重要罪過呵怎生

議定來奏呵奉聖旨那般者欽此請欽依施行

**軍官七十許** 督皇慶元年正月行臺准御史臺咨准樞密院咨至大四年閏七月二十日奏皇帝登寶位開了詔書凡事從新整治依著世祖皇帝聖旨行時分省得的題奏有軍官每年紀到七十歲呵替頭裏交他每的弟姪兒男行者麼道世祖皇帝立定體例來近年以來有年紀的人每無病推稱有病麼道使見識自己替頭裏交他每弟姪兒男行了他每却別尋勾當出去的多有軍馬勾當不似民間勾當是緊急大勾當有年紀小的人每委付了行呵行著時耽悞了勾當去也今後各處遍行文書交監察廉訪司用心將那般使見識趨奸的人每根底察知呵罷了勾當永不敘用斷罪呵怎生議定來奏呵奉聖旨那般者欽此咨請欽依施行

軍官體差占皇慶二年十一月中書省劄付樞密院呈皇慶元年四月十八日本院官奏札忽兒臺付樞俺根底文書裏說將來有行省官將各處鎮守軍官省司合管的勾當裏差遣離了鎮守地面失快了鎮過的勾當不宜的一般麼道說將來有俺商量來軍官每除爲軍馬的勾當呵交差遣其餘干碍錢糧民訟有司的勾當行省體差軍官呵怎生奏呵奉聖旨那般者恁與行省文書除軍馬勾當外其餘不干碍的勾當裏休差者欽此除已移咨各省欽依施行外具呈照詳得此仰欽依施行

Vertical columns of text, likely bleed-through from the reverse side of the page. The text is mostly illegible due to fading and bleed-through.

新學



# 投下

投下達魯花赤遷轉至元二十年御史臺咨據監察御史呈各投下分撥到路府州縣達魯花赤人員須要選用正蒙古人員充各處達魯花赤任滿與管民官一體給由申覆上司擬於本投下分撥到腹裏江南州郡內三年互相遷調如本投下止有分撥到一處別難遷調任滿已今依上給由赴省部再行給降照會方許復任如有爲政實跡量加陞用具呈照驗施行得此呈奉中書省劄付送吏部照擬得合依御史臺所呈緣係投下差放達魯花赤不拘常調參詳今後此等人員若有恃賴害民生事者擬從御史臺令各處廉訪司嚴加糾察檢會得至元四年十二月初九日中書省劄付係官投下州縣達魯花赤人員亦合依

管民官例三十個月爲滿合取元粘帶解由赴省遷轉事  
行移各處照會去訖今據見呈仰照驗依上施行本臺爲  
此再行議擬呈奉中書省劄付送吏部議得各投下路府  
州縣達魯花赤三年一次給由擬准御史臺所擬外據南  
北拘該路府州縣互相遷轉事理已有定例呈乞照詳事  
得此都省議得各投下州縣達魯花赤三年一次取給解  
由互相遷轉外據總管府並止有一處無可遷轉州縣達  
魯花赤亦合三年一次依例給由申呈省部仍行移廉訪  
司體訪申臺除已移咨各處行省劄付吏部照會仰遍行  
照會施行

**投下設首領官**至元二十二年十二月行中書省准中書省  
咨准玉速帖木耳言語哈刺帖木耳根脚係屬俺的廣平  
路的人後頭江陵府按察司裏做奏差年月滿了也如今

蠻子田地裏俺分撥到城子全州路達魯花赤禿忽魯去了也與禿忽魯怎生一般勾當擬定交走底你識者得此照得禿忽魯見充全州路達魯花赤都省擬哈刺帖木耳充本處提控案牘與禿忽魯一處勾當咨請出給劄付依上勾當施行

**投下達魯花赤**大德八年六月江浙行省准中書省咨大德八年三月十六日奏過事內一件臺官人每俺根底與文書各投下各枝兒分撥到的城子裏他每委付達魯花赤有一個月日未滿又重委付一個來有於內多一年是漢兒女真契丹達達小名裏做達魯花赤有今後各投下各枝兒裏說知選揀蒙古人委付者漢兒女真契丹達達小名裏做達魯花赤的都合革罷了有麼道這般說有俺商量來今後諸王駙馬各投下各枝兒裏行與文書他每分

撥到城子裏委付達魯花赤呵選揀蒙古人委付者如果無蒙古人呵揀選有根脚的色目人委付者三年滿呵交他依大體例替換了若三年不滿呵不交重委付人呵怎生奏呵奉聖旨那般者欽此

**革罷南人達魯花赤**大德十一年三月十二日福建廉訪分司牒奉江南行臺劄付近據江西道申察知建昌路南城縣達魯花赤伯顏係是南人問得本人姓黃祖太所招情詞即係違制擬合革罷相應得此移准御史臺咨呈奉中書省劄付照得先呈此事送據吏部呈照擬得與城縣達魯花赤伯顏既係南人廉訪司體究明白欽依聖旨通例革罷合咨行省追收勅牒仍今本投下依例選保相應已經移咨江西行省劄付吏部行移依上施行去訖今據見呈都省除外仰照驗施行

有姓達魯花赤革去至大四年九月行臺准御史臺咨奉中書省劄來呈山東廉訪司申石那臣告大都路金玉局所管匠人常山兒敬受濟王令旨前來濱州充達魯花赤本人改名也先帖木耳得此送據吏部呈照得至大二年四月內欽奉聖旨節該各投下多是漢兒契丹女真做蒙古人的名字充達魯花赤令後委付蒙古人者若無呵於有根脚色目人內選用欽此即不見諸投下差設本投下梯已戶匠敬受令旨或受宣勅有姓達魯花赤合無一體革去參詳諸投下梯已戶匠所設達魯花赤於內若有漢兒契丹女真擬合劄付御史臺欽依已降聖旨事意一體革去具呈照詳都省准呈依上施行

有姓達魯花赤追奪不敘延祐三年六月行臺劄付准御史臺咨呈奉到中書省劄付來咨延祐二年十一月二十七

日合稟通劄送刑部議擬到下項事理內一欵諸人告言有姓不應達魯花赤人員指訂照勘明白合無依例取問追奪前件照得先奉中書省劄付皇慶元年六月初八日奏過事內一件大都省帖木迭兒丞相等官人每奏將來有御史臺官人每俺根底與文書諸王駙馬各投下分撥到城子裏委付達魯花赤呵有姓漢兒人更改了名姓保的也有一個闕裏重保着三四個人的也有今後諸投下保達魯花赤呵有姓漢兒人見任達魯花赤勾當裏行二一年之後保將有體例的色目人來者若將有姓漢兒人更改名姓勾當裏委付了呵追奪了他的宣勅永不敘用元保來的各投下的官吏根底也要罪過呵怎生俺根底與文書有他每言語是有依省他每說將來的教行呵怎生奏將來奏呵那般者麼道聖旨了也欽此咨請欽依施行

准此都省仰欽依施行奉此今承見奉本部議得有姓漢兒達魯花赤追奪宣勅永不敘用即係奏准常典罪經釋原擬合照勘明白欽依追奪不敘相應得此准擬仰欽依施行承此咨請欽依施行准此仰欽依施行

**設副達魯花赤**延祐三年七月行省准中書省咨延祐三年

五月十一日奏過事內一件去年將各投下分撥來的各路州縣裏交各怯薛裏常選內衆人之上委付達魯花赤各路州縣裏各減一員將投下合委付的人做副達魯花赤委付麼道奏了來如今依先已了的各路州裏減去同知上縣裏減去縣丞交各投下委付副達魯花赤中下縣主簿錄事司錄判掌管錢糧捕盜勾當減去呵不中也者交各投下添設放副達魯花赤一員呵怎生商量來奏呵那般者麼道聖旨了也欽此都省欽依施行

**改正投下達魯花赤**延祐五年正月江南行臺准御史臺咨  
延祐四年六月十七日本省官奏過事內一件監察每文  
書裏設投下達魯花赤太祖皇帝初起北方時節哥哥弟  
兄每商量定取天下了呵各分地上共享富貴麼道世祖  
皇帝即位以來立著法度諸王分到的城子交他每各自  
委付達魯花赤有這勾當行了多年也近間帖木迭兒別  
了世祖皇帝聖旨無故將各投下委付來的達魯花赤罷  
了只交委付次二官的上頭失了諸王的心麼道臺官每  
題奏來帖木迭兒却回奉了有合依舊交他每委付達魯  
花赤麼道說有俺商量來他每說的是有依省他每說將  
來的言語行呵怎生奏呵恁說是這勾當都是帖木迭兒  
有是諸王分定的有秃剌那演也不愛有麼道聽的來您  
行與省家文書者各投下達魯花赤依省在先體例裏從



他每委付者麼道聖旨了也欽此呈奉中書省劄付照得延祐四年六月二十二日奏過事內一件在前諸王每委付的各路府州縣達魯花赤每交做委達魯花赤大數目裏交委付爲顯達魯花赤者麼道奏奉聖旨行了來近日臺官每奏各投下的城子裏只依省已前行來的體例交他每委付爲顯達魯花赤者大數目裏休委付者麼道有聖旨來近間也孫帖木兒晉王朶剌捏等大王也說是俺投下的勾當有依先例委呵怎生麼道俺根底與了文書有奏呵奉聖旨我者也這般說來自世祖皇帝時分定體來的勾當有依先例只交各投下委付爲顯達魯花赤者麼道聖旨了也欽此已經移咨中書省劄付吏部欽依施行去訖今據見呈除外都省仰照驗施行

**投下職官公罪**延祐六年六月十七日奉江浙行省劄付准

中書省咨刑部呈奉省判御史臺呈准江南諸道行御史臺咨據監察御史解世英將仕呈嘗謂張官置吏莫非爲民而公事偏隋則必糾正其罪蓋取以輔成政務不便遂其非也方乃臺察按劾諸司刷歷案牘如有公事差池怠慢者當該官吏人等驗事輕重斷罪者投下職官受勅以下人員固有量事區處權受宣官員若欲議罪多有無俸給者倘擬斷必須奏聞伏慮事小非惟煩瀆上聽亦且文案卒急不能杜絕置而不問又恐怠慢之人恃此不知警畏宜從合干部分將投下官職無俸給者如有公事差池怠慢取訖招伏定擬旨罰通例遵守庶人知畏懼公事成就具呈照詳得此本臺看詳如准所言定擬通例相應具呈照詳得此送據刑部呈照得至元二十年八月初三日承奉中書省劄付送據御史臺呈恩州岳據管人戶朱全

祐駮男朱得興奸誘班四駮婦臘梅在逃促獲受錢私下  
休和約會到本管官員提領一同歸問過其本官將得興  
一面斷決了當取問得袁澤狀招伏本管戶計朱得興犯  
奸在逃自合依例將本人關發恩用歸問不合一面將朱  
得興斷決罪犯乞照許事得此送據本部議得奸盜合從  
有司歸問其袁澤係雜職官員擅將朱得興斷決別未見  
曾無將奸婦臘梅斷罪及班四受朱全祐錢物私合罪犯  
即係懼罪之賊擬合追没入官取招量斷於袁澤取招罪  
犯本與司縣相對衙門將奸夫朱得興擅便斷決事屬違  
錯量情比附縣尹俸給體例追罰贖罪鈔二十五兩五錢  
標注公錯罪名乞照詳都省准呈除已劄付御史臺追罰  
外合下仰照驗標注施行奉此本部議得投下職官除罪  
應的決有定例所據公事差池怠慢雖無俸給合行懲戒

今後似此有犯事理比附有司相對衙門俸官例驗事輕重追罰如蒙准呈通行遵守相應具呈照詳得此都省准擬

**有司衙門給引**至元二十三年十二月行御史臺准御史臺咨承奉中書省劄付樞密院呈行樞密院咨鎮守隆興萬戶府申見管軍人內逃訖杜林蔣興李德陳義等四名根捉到吳城山捉獲到官招伏就用陳提領等賁河南路諸投下官司文字相隨在逃罪犯行移按察司審斷外本院看詳腹裏州城諸投下官司信從人戶以江南等處作買賣者爲由濫放文引般取軍人在逃使管軍官不能拘繫遍行合屬禁約事都省議得今後諸人若要因事或爲商賈前去他所勾當經由省司衙門陳告取問隣佑是實令人保管引無違碍方許出給差引明置文簿銷照外據其

餘衙門並各投下官司雖有印信無得擅行出給文引除已遍行合屬禁約外仰照驗施行

**投下勾當休另提調**大德二年四月二十日江西行省准中

書省咨二月初八日奏過事內一件諸王駙馬各投下勾當教他每提調麼道偏向諸衙門之上委付著中書省有投下的勾當有呵衆人商量了合依體例行呵令各自另提調呵不揀怎生也偏向無體例有大勾當裏不便當呵今後投下勾當獨自體另提調者不揀甚麼勾當呵衆人商量了行者這般宣諭了投下勾當另行提調的要罪過者行御寶聖旨呵是來如今時間俺省家行文書呵怎生奏呵奉聖旨是有恁行者又奏別個省裏似這一般各自另行提調投下勾當的也有也者依那體例遍行文書呵怎生奏呵奉聖旨那般者欽此

投下不得勾職官至元三十年十一月江西行省准中書省咨吏部呈山東宣慰司關東昌路達魯花赤探馬赤至元二十九年二月初四日禮任至二十日前去永昌府將軍糧交付了當至十一月初五日還職照得元奉省劄路府州縣達魯花赤非奉聖旨省部明文不得擅自離職奉此照得東昌路達魯花赤擅自離職倘有稽遲所責非輕今後達魯花赤若各投下差委使臣賞擊大王令旨駙馬鈞旨前來勾喚擬合等候省部明文然後許令前去似爲不致失誤勾當請照驗本部議得若准擬相應都省准呈咨請遍行照會施行

又大德六年十月行臺准御史臺咨承奉中書省劄付來呈河東山西道廉訪司申五月初三日有使臣怯來賞敬奉阿只吉大王令旨崢州唆羅海咱每管的也先忽都魯

說來三月二十日刷馬時節喚我去來到呵知州馬也不  
曾問和雇和買皮裘靴子等物不與則麼爲那上頭我廻  
說我是達達人有那其間裏頭髮濕著打我沙沙來如今  
這令旨到時節即忙過來這裏折證者敬此照得先欽奉  
聖旨條畫內一欵節該非奉聖旨諸王及公主駙馬不得  
一面勾喚管公事大小官吏欽此卑司看詳府州司縣官  
員俱係牧民之職設若有罪宜從朝省區處今聽從也先  
忽都魯一面詞因將知州唆羅海勾喚去訖不惟耽悞大  
小公事應與前項欽奉聖旨事意似涉不同具呈照詳送  
刑部回呈淮河東宣慰司關此爲此事本部議得唆羅海  
即係牧民長官所管差後一切詞訟支持應辦並奧魯軍  
情事務不爲不重若投下有事將管民官恣意勾攝妨占  
耽誤公事深繫利害如准廉訪司宣慰所言欽依元奉聖

旨事意諸王公主駙馬不得一面勾攝行下本投下王府節令知州唆羅海還職已後無致違別體例相應都省除外仰依上施行

**大小勾當體例**大德七年閏五月初二日江西行省准中書省咨安西王位差來使臣忽里罕等呈敬奉安西王令旨起鋪馬五匹前去吉州路忻都元關本錢二十定內造下的水弓皮袋緞疋紗羅斤利錢鈔定等物將來者軍的氣力用麼道都省裏說了者去敬此忽里罕等敬依前來今將見賣把起鋪馬令旨的本譯寫粘連在前具呈照譯得此大德二年五月初六日奏准節該諸王各位下合關五戶絲絨賜緞疋軍器般運呵官司脚力般運有其餘諸物無般運的體例又大德二年六月二十六日御史臺呈欽奉聖旨節該諸王駙馬差使大勾當明白奏過交行者小



勾當經由中書省行者無體例勾當罷了者欽此今據見  
呈都省咨請欽依施行

凡百官之職皆由朝廷之命而後行

其有違者罪無赦

# 教官

諸教官遷轉例

儒學教授

至元十九年八月定府州一任准正九再歷路教一任  
准從八大德八年定須年五十以上

蒙古教授

至元十九年八月定府州一任准正九再歷路教一任  
准正八大德元年三月已後止擬從八

國子正錄

至元二十九年四月定國子正一任從八錄一任正九  
國子伴讀

至元二十九年三月定每歲貢四人二名充部令史二



人充府州教授

保選儒學官員至元二十四年正月行中書省准中書省咨吏部呈近承奉中書省劄付擬府州儒學教授准正九品任滿日再陞路教授一任准從八品滿日給由赴部於本等遷轉若學正歷一任者即陞教授員多缺少似有窒礙今擬各處教授三年爲滿依例遷轉須歷兩任所據隨路教授遇有闕員散府上中州教授歷一考之上者陞補散府上中州教授有闕各處學正歷一考之上者陞補學錄教諭有闕於直學選補陞補並依例體覆申呈如有缺員依舊勾當遇闕依例陞補似易爲銓調其有年高德邵茂才異等不求聞達雖白身材堪教授一路一州者許牒按察司體覆相同將所業文字連申擬充教授不拘全例若越次委舉及選保不拘士行不精儒業令人代作文字之

人從監察御史本道按察司體察明白申臺呈省取問是實所保人截日黜罷仍罪及當元舉主併體覆官司似望教官得人作成後進以備他日選用奉此除遵依外近來各路將一考之人舉正錄教諭往往給由指例求取又行保舉白身之人止鈔錄文字一二篇申部並翰林院遷用中間冒濫不無切照各處若將學正教諭人等依常調人員陞轉即目學校員多缺少泛濫保用不得其人何以作成後進深爲未便本部參詳學校風化之原必得慎擇師儒教育後進今來議得若各路並府州教授別有遷調歇下窠闕擬合令本路官司於所轉州郡教官內通行推選才德之人牒委文資正官覆察相應行移本道按察司出題試驗將親筆所業文字並按察司牒文繳申省部移文翰林國史院再行考較其學正人等依舊守職若有茂才

異等之人本處官司依例體覆令本人親身赴翰林國史院試驗保明關發赴部定奪倘有不應罪及學官並覆察官司如此似望革去濫保之弊訖照詳事都省准呈施行

**體覆山長**至元二十六年御史臺准行臺咨據江西道按察

司申據江西儒學提舉司申奉到江西省劄取堪到名賢書院合設山長去處移准尚書省送吏部與翰林國史院議得江南書院山長就受本省劄付都省准擬移咨委用施行今據見申仰從本司選保申省仍就呈按察司體覆施行申乞明降本臺另無奉到都省照會呈乞照詳得此送吏部行移集賢院定擬得江淮教官已有定例緣書院山長合從教官例令按察司體覆相應都省准擬施行

**學官考滿體例**元貞元年三月行省准尚書吏部照得各處

行省咨到考滿學正山長俱令廉訪司體覆及錄連所業

文字行移集賢院考校中式於教授內定奪呈奉都省准擬咨請依上施行

**考試教官等例**大德九年二月湖廣行省准中書省咨禮部呈奉省劄議得教官之選壅塞日久其間冗濫不無不可以賢愚同滯究其本源府州教授窳缺南北八十九處即日在選籍記五百餘員已有守候八九年者尚未知何時注授設若得除守缺二年及以致仕之例所拘使年高碩學之士終身不沾一命其年少後進循資陞轉反居其右誠爲不倫今擬到選府州教授照堪類選年甲即令及五十五以上者先行挨次銓注守待窳缺還家聽候五十五以下人員再注學正山長一任先儘此等人員任回止厯路府教授一任轉入流品已後府州教授有缺止依本等注授如缺不敷並依上例定奪所據白身初入教官之人

各路府正官體覆相應移牒廉訪司行移分司與各路文  
資正官驗各人所業當面令本路教授從公多出試題聽  
試官選擇題目面試毋容作弊然後將所試的本程文用  
印封鈐繳連依例行移從翰林國史院考較委中程式者  
補學錄教諭任滿日須又歷一任方入學正之選已經任  
回者一體遷敘學正滿日依上又試果中程式陞府州教  
授如不中式者止於學正內陞用應補府州教授之人如  
年四十以下願試吏員程式許部各部令史並爲定例若  
果有年高德邵茂異之士行實可考者不拘此例令吏部  
先將江南山長學正任回到選年五十五以下人員照勘  
籍貫歷仕通類開呈腹裏者就便關發及照勘大德元年  
元定吏員程式就便議擬立法考試行據禮部呈移准翰  
林國史院關依上議擬到考試程式本部開坐具呈照詳



都省合行開坐咨請依上施行

初充學錄教諭所試

詞賦二韻 小賦並二韻

經義論 論孟長各一道 明經解題各一道

學正陞教授所試

詞賦全賦一道

經義各從所業 大義一道 明經解題二道

**選取教官**

皇慶元年二月江南行省准中書省咨禮部呈奉

省判御史臺呈江南行臺咨監察御史呈切謂學校爲作  
養人材之源名爵乃砥礪人材之具材不可以苟進爵不  
可以濫加爲治之要必慎於此古之取士必由鄉舉里選  
漢初又設茂異孝廉等科亦由從州縣察舉如董仲舒賈  
誼輩始膺茂異之選故其事業卓然可稱隋唐以降專尚

科舉雖材俊之士所得亦多而文風日弊士氣日衰得失相半焉欽惟聖朝累降詔書勉勵學校作養人材雖科舉之法未行而於儒人選取教官陞轉民職蓋鄉舉里選之遺意從近年以來各處教官考成之士絕少輕薄之人率多蓋由此輩巧攢權門旁趨捷徑或挾多資或憑貴勢或假藝術小技以動人或緣諂諛利口而得譽是以名德之士潛處山林躁妄之徒恬居師席欲望學校興起人材作成良已難矣所謂超出時輩者即茂異之稱何嘗不由百司保舉風憲體覆且省部定到教官例內雖稱果有年高德邵茂異之士行實可考者不拘此例設使不經體覆則行實何所考况兼茂異等者必德行文學政事材器卓然超邁乃稱是舉似此人材宜從朝廷特加擢用豈可以一舉學正山長使之淹屈將恐所舉者以凡庸冒茂異之美

名使冗濫溢教官之常缺莫若今後果有超出時輩茂異之士欽依至元三十一年詔書事意有司保舉廉訪體覆以備朝廷選用其餘各官不得泛濫保舉所據學正山長等教官悉依已定選格不令雜造庶望少塞僥倖之路抑貪競之風其於學校人材以愜公論乞賜移咨御史臺照詳施行本臺看詳選舉教官已有定格如准監察御史所言誠革泛濫之弊咨請照詳准此本臺具呈照詳奉都堂鈞旨送禮部照擬施行奉此本部參詳選取儒學教官已有面試通例諸處所舉茂材異等此到部銓類者依例銓注今後薦舉茂異合從原籍官司開寫年甲籍貫可考行實可採緣平日所述文字達於路府摘委文資正官體覆相同行移廉訪司復加體察在京路分從監察御史體查委有可考行實別無冒濫回牒本路繳連的本牒文官吏

保結開申省部以憑選用中間若有冒濫罪及學官如蒙准呈遍行照會相應具呈得此照詳議得各處所薦茂異若委文章可取行實可考者保結移准監察御史廉訪司體查的本司牒並錄連所述文字方許開申餘准部擬都省咨請依上施行

**正錄教諭直學**延祐四年正月行省准中書省咨禮部呈奉

省部御史臺呈行臺咨廣東廉訪司申惠州路牒呈山長鄭鐸文楊天相得代請依例試驗准此照得白身初入教官例及科舉例欽此除已遵依今據前因除另行外卑司看詳今後學正山長得代給由赴司面試若依大德八年考試程式出題試驗却緣律賦小義已經奏准不用如試小義古賦却非科場舉子及各路保舉白身初入教官之人若比歲貢保舉儒人並令赴本鄉應試已後急缺學錄

教諭未審如何選取及山長學正得代如何面試即係爲  
例事理乞照詳得此本臺看詳廣東道廉訪司所言事關  
通例宜從都省令合干部分定擬相應咨請照詳准此呈  
乞照詳批奉都堂鈞旨送禮部照擬施行奉此照得大德  
五年六月內湖廣行省准中書省咨選取教官事內一件  
所轄儒學教官額員陞轉等事照得至元二十一年二月  
呈准中書省劄付腹裏儒學教官例教授路設一員學正  
學錄各設一員散府上中州設教授一員下州設學正一  
員縣設教諭一員除教授祇受勅牒學正受中書省劄付  
學錄教諭並授吏部劄付路府州縣各添設直學一員止  
受本路官司付身勾當各處教授以三年爲滿依例遷調  
須歷兩考所據路教授有缺員散府上中州教授歷一考  
之上者陞補各處學正有缺學錄教諭歷一考之上者陞

補各處學錄教諭有缺於直學內選取並依例體覆申呈散府諸州並各處書院教諭有缺各處學正一考之上陞轉直學於本學在前執事人內選保性行端方才幹通敏者未有缺員依舊勾當奉此本部參詳各處教諭學錄名分雖居下列亦須用有學行之人今後應設教授學正去處依舊例設直學一員許令本處教授於在學生員內推保才學優長行無玷缺者具申合干上司令文資正官當面出題試驗經疑史評各一道從本路出結付身委勾當三十月爲滿勘合給由依上考試中式補充學錄教諭須歷兩任再行試中方入學正山長之選學正山長滿日依上再試果中程式繳連程文申達省部行移集賢院考校中式陞補府州教授如不中式者止於學正山長內任用所據試驗文字比依科舉例各從所業試經疑一問詔誥

章表古賦科一道如蒙准呈移咨行省劄付本部依上施行得此奉都堂鈞旨即目科舉既行教授之職尤當慎選送禮部再行照擬奉此行據集賢院送國子監備國子學呈議擬試驗教官內教諭學錄一任即陞山長似大優却緣自直學至教授中間代試聽除守缺給由所歷月日前後三十餘年比至入流已及致仕情有可憫况兼科場取士未等已是正八品及其教授入流止得從八若更多添日月將來必無願選教授人員學校必至廢弛無以作成人材如蒙矜免依從所擬相應據直學至教授依例陞用外至科舉年分願試者聽以爲便益具呈照詳得此仰回呈禮部照驗施行承此具呈照詳得此本部參詳國子監所擬試驗教官通例逐一議擬如蒙准呈移咨行省劄付本部行移合屬照會相應開呈照詳得此都省令將逐項

事理開咨請依上施行

國子監議得直學之職止是掌管錢糧廟學祭祀修造等事轉陞教官固當慎選然此即目取士之法所以誘進後人不可失於太嚴今後直學有缺擬從本處教官選保在學生員才學優長行無玷缺者具申合於上司委文資正官一員體覆相應移文本路出給付身委充之學三十月爲滿約會本路文資正官教官出題面試經疑一問於四書內出題考較中式須是半印勘合給由以達省部行移集賢院考較陞充學錄教諭中間若有冒濫從監察御史肅政廉訪司糾治

前件議得今後應設教授學正山長去處依舊例設直學一員其所試經疑以經旨明白文詞條暢爲中式所據在內直學任滿申達省部行移集賢院考較其在行省



者申覆本省儒學提舉司考較餘從國子監所擬相應  
國子監擬得學錄教諭已經試驗方充前職若又行試驗  
事涉重復况兼聽除守缺比及兩考任回動輒一十餘  
年不無淹滯今後教諭學錄照依在前歷一任依例類  
學正山長內選

前件議得學錄教諭已經驗依舊例須歷兩考依例勘合  
給由仍取本人親筆所業文字一十道行移考較如中  
程式陞充學正山長

國子監議得學正山長已是有出身人員若依糾舉立式  
試驗却緣餘外另無優陞以此看詳事涉太重今後學  
正山長考滿擬依舊例各隨所業面試經義一道不拘  
舊格仍面試詔誥章表科一道考較中式陞充府州教  
授如不中式者又以學正山長內任用

前件議得學正山長陞用宜准國子監所合令本路文資  
正官同本路教授公同出題面試經疑古賦詔誥章表  
科一道相應

# 醫官

**選醫學教授**至元二十二年四月御史臺承奉中書省劄付來呈精選各路醫學教授訓誨醫生無得濫保空疏無學之人爲此送禮部與尚醫監講究到醫學體例呈乞照詳都省議到事理仰照驗施行

## 一擬四件

已設醫學去處教授人員見教生徒照依每年降去一十三科題目令醫生每月習課醫義一道年終置簿申覆尚醫監考較優劣有無成績外試問本學教授題目三道假令有人病頭疼身體拘急惡寒無汗寒多熱少面色慘而不舒腰脊疼痛手足指未微厥不煩燥其脈浮而緊澁者名爲何證何法治之假令有

人病身體熱頭疼惡風熱多寒少其面光而不慘煩燥手足不冷其脈浮而緩者名爲何證何法治之假如春夏月有人病自汗惡寒身熱而渴其脈微弱者名爲何證何法治之另置簿策同本學生員醫人各簿年終申覆一就考較優劣以見教授能否有無稱職也

諸路官醫人提舉司或提領所委正官一員專行提調同醫學教授將係籍醫戶並應有開張藥鋪行醫貨藥之家子孫弟姪選揀堪中一名赴藥局若有良家子弟才性可以教訓願就學者聽據醫學生員欽奉聖旨擬免本身檢醫雜泛將道學成就另行定奪欽此擬將見教醫生籍貫姓名攻習是何科目經書有無習課醫義開申尚醫監若道成就以移擢用

會到儒學例諸教授學錄學正各一員上州中州各設  
教授一員下州設學正一員諸縣設教諭一員卑司  
今議擬諸路醫學教授一員祇受勅牒外學正一員  
上州中州下州各設一員俱係尚醫監劄付各縣設  
學諭一員受本路醫學教授劄付庶望後之學者有  
所師授各路並州縣除醫學學生員外應有係隸籍醫  
戶及但有行醫之家皆是醫業爲生擬合依上每月  
朔望去本處官聚集三皇廟聖前焚香各設所行科  
業治過病人講究受病根因時月運熱用過藥餌是  
否合宜仍仰各人自寫曾醫愈何人病患治法藥方  
具呈本路教授外據州縣醫學人每月具呈學正教  
諭候年終類呈本路醫學教授考較優劣備申擢用  
以革假醫之弊

前件議得依准所擬劄禮部行移合屬依上施行仍照會御史臺者

一未設醫學去處自今後勅保到教授或補填名聞教授許令本路總管府並管醫人提舉司令衆選保委的學問該博醫業精通衆醫推服堪充師範之人具籍貫姓名年甲脚色仍令保定教授親筆書寫醫愈何人病患脈證治法三道連申尚醫監又行體覆試驗考較優劣委的相應准保施行

前件議得劄付御史臺更令各道按察司體覆相應就便准保施行

一濟世之道莫大於醫術劫病之功皆本於鍼藥若不設立選試太醫科舉其學醫者不知素問本草聖濟總錄之大經焉能愈人疾疢者哉照得至元八年蒙

省部已有議究定選試大醫法度文卷擬乞在限開  
寫科舉三年一次選試大醫將十三科目合試經綸  
豫宜符下各路總管府嚴行榜諭諸人溫習各科醫  
經至於試期八月內隨路總管府試中選去來春二  
月赴大都省試中選者往定名闈聞奏收充太醫承  
應勾當府試中選人補充隨路學官勾當以聽省試  
收補庶望醫學成就廣得人材精醫而利濟於民生  
之疾苦以副聖朝好生之大德如斯則師生盡心所  
業使學校不爲虛設矣

前件議得候舉場文字一就定奪

**考試醫官教授**元貞二年 月江西行省准中書省咨御史

臺呈監察御史察知李克讓不通醫藥用錢營幹太醫院  
劄付充單州學正次於濟寧路韓教授處鈔到醫義太醫

院擬堯嘉興路醫學教授未曾祇受正犯人李克讓欽奉聖旨一百箇罪囚內疏放了當今後令太醫院定奪敬試醫官體例相應得此送吏部行移太醫院議得李克讓不敘外據各處應保太醫學教授今後令本處醫學教授於官降題目內出題令本人親筆課義三道治法一道先行考相應申呈本路總府行移本道肅政廉訪司體覆與所保相同至日申覆到院送諸路醫學提舉司又行考較文理皆通治法相應依例定奪庶革前弊都省准擬咨請依上施行

**醫官各該員數**

大德二年十月行御史臺據領北湖南道廉訪司申隨處醫官多設管勾人等移准御史臺咨呈奉中書省劄付送吏部移准太醫院關該擬到必須設立管勾人員外其餘醫司醫正人等之類依准廉訪司所擬截日



罷去相應都省准擬合下仰依上施行承此腹裏各路提  
祭司提領與行省所設提舉司所辦事務不同無設都目  
人吏管勾已有定例另無定奪各處行省提舉司提領外  
一州縣差撥檢醫催辦差稅驗醫戶多寡必須存立管  
勾去處合從提舉司就便保選通曉醫書廉能人一  
名勾當委無過犯依例就用設立提舉司提領去處  
不須擬設勾當

一州司縣遇有差撥當檢醫正止合於本處見居醫  
戶內輪番差遣無得於所屬去處亂行差擾不安  
一隨處提舉司提領既管差稅理會詞訟必合設立司  
吏祇候依准廉訪司所擬量設一二名餘外毋得濫  
委

一各處提舉司提領所設醫正醫司提調醫戶並寫發

聽探人等即係濫設擬合盡行革去

# 陰陽官

**試選陰陽教授**元貞元年二月中書省奏漢兒蠻子田地裏有理會得陰陽人的數目各路裏官人每好生的要了秀才大夫的體例裏每路分裏委付教授好生教者那裏有好本事呵每年裏呈了來交這裏試了理會得呵司天裏臺也交行者不理會得的交回去呵怎生麼道奏呵是有不索尋思那般者麼道聖旨了也欽此除外今據禮部呈陰陽教授令各路公選老成厚重術藝精明爲衆推服一名於三元經書內出題行移廉訪司體覆相同舉用從集賢院定奪取到陰陽人所指科目都省准擬除已另行外合行移咨請照驗依上施行

占算 三命 五星 周易 六壬 教學

典章九  
婚元占才大義書 宅元周書祕奧 入宅通真論  
瑩元地理新書 瑩元總論 地理明真論

典章卷之九終

吏部卷之四

典章十

職制

一

告敘  
聽除  
授除  
守闕  
赴任  
不赴任

告敘

**告敘本路保申**至元三年四月中書省據隨處告敘用官員今後先於本處官司具入仕根腳歷任月日停職緣由陳告勘當別無詐冒申覆本路官司更爲照勘相應仍錄連節次所受付身保結申部委有體例擬定可任名聞呈省定奪無得直詣省部呈告施行

**告敘官員格限**至元二十四年十二月尙書省照得各處行省並諸衙門告呈告敘人員往往經隔年遠吏部輒便擬

呈有礙銓選爲此送本部講究回呈任滿例隔革官員經過年遠告敘者固非一端其間亦有居喪侍親患病求醫亦有任內僥倖亦爲公私罪犯未及取問在逃或有粘帶未了事件卒急不得解由經隔年深更有所除不稱其意或資品爭懸不免赴任營幹公差離職或已給解由不卽赴官呈下別行營求如或不成推托病故爲見原任官員更換或於不干礙衙門朦朧捏合各處官司看循不爲勘當止憑所告輒便倒結文解此等之人若不革撥深爲未便今來議得今後各省所轄腹裏應告敘人員如是任滿須要於本衙門官司隨卽依例照勘完備出給依式解由申覆合屬上司更爲照勘無差倒給完備解由咨申省部於內若有侵欺係官錢糧等物必須徵理及被問公私事務纔候歸對了畢於解由內明白開寫追問始末緣由或

依例出給解由人員若有病故卽於所在官司給據擬求  
仕日再行告給文解照勘別無規避官吏保給如京畿地  
面申覆御史臺外路行移按察司體覆是實方許咨申省  
部依例敘用如但有不實其人永不敘用元給保解官吏  
量情斷罪今議擬下項事理乞照詳都省准呈施行

一今後應告敘官員病故格例

三年以下病故人員勘當體覆別無規避依例敘用  
如有不實亦不敘用

三年以上五年以下病故人員勘當體覆別無規避  
於應得資品上降一等敘用如有不實永不敘用

五年以上七年以下病故人員勘當體覆別無規避  
於應得資品上降二等敘用如有不實永不敘用

七年以上病故人員雖經勘當體覆是實終是隔遠

難以敘用

一今後遠年不敘官若遇特旨並德行才能擢用者不拘此例

**歸附故官求敘例**至元二十四年尚書省咨吏部呈南官入仕者多有中間門廕補官歸附後不曾換授者眾一例咨來擬自今後若有門廕補官歸附後不曾換授未敘人員合令各處聽候將來有關別議選用若委有才德可用之士不能自達者開其實跡行移按察司體覆相應抄連所授文憑依例照勘完備保結移咨都省定奪其歸附後已經換授官員依例陞用已經移咨各處去訖又照得先欽奉詔書內一欵節該亡宋歸附有功官員弁才德可用之士窮居無力不能自達者所在官司開其實跡行移按察司體覆相同申臺呈省以憑錄用欽此今各處行省往往



將歸附之後不曾換授官員保咨不惟文繁抑亦徒勞求仕之人往回生受都省合行移咨欽依原奉聖旨事意施行若委係歸附有功官員並才德可用之士依上體覆相同咨來定奪委用止令本人在家聽候無得似前濫保准此

**濫保罪及原保**至元三十年中書省照得各處行省咨到任滿得替官員解由往往根腳差別實歷俸月不同及保中就陞人員亦多資品爭懸不應轉入流品有礙選法未便又准湖廣行省咨壽昌府同知忽都不花保趙崇乙先受建昌路新城縣尹孝廉不任卽無冒詐請定奪准此審問得本人年甲腳色爭差送刑部取到趙崇乙狀另斷罷職不敘及咨本省取濫保招伏外都省議得今後例應赴都求仕人員須要所在官司依式保勘一切完備別無詐冒

不實依例移咨定奪若有似此濫保不應罪及原保人員  
咨請照會依上施行

**遠年求仕**

元貞元年行省准中書省咨近爲遠年求仕人員

送刑部議擬通例同呈至元十九年已前至今不曾求敘  
者合擬革撥外據至元十九年三月已後至元二十八年  
二月初九日已前擬呈准日立爲格限除已到省部員數  
依例照勘完備遷敘所有未到省部人員從本處官司明  
其不曾求仕實跡緣由保勘別無規避粘帶過犯移牒廉  
訪司體覆相同抄連的本牒文申覆合干上司依例遷敘  
其欽奉特旨見告敘  
格限例如蒙准呈照會施行都省議得除至  
元十九年三月以前得替人員驗各人告敘緣由至日定  
奪餘准所擬咨請依上施行元貞二年九月中書省咨吏  
部呈奉省判御史臺呈大都路總管府申諸色人匠總管

府譯史不花察兒至元十七年勾當至元二十年五月患病作缺不曾給由求敘乞依例體覆本臺議得除受宣勅官本臺依例體覆外其餘人員合從本處官司先行保勘明白委無規避申覆合于上司求敘中間但有不實監察御史體察相應本部詳參受宣勅官員遠年不曾告敘合依已定格例內任御史臺體覆外任廉訪司體覆所據流外並諸司人吏宣使奏差之類既是職小名微宜准御史臺所擬相應具呈照詳得此都省准呈咨請依上施行大德六年中書省咨江浙行省咨前慶元路總管毛文豹告求敘事檢照得元貞元年定遠年求敘見前例都省議得今後應有告敘之人明具不曾求仕緣由赴本處官司陳告當該州縣摘委州官照勘體問如無粘帶規避過犯保結申覆本路官重別體覆明白保結申呈至元十九年三

月已前得替告敘之人驗所告緣由至日定奪以後求仕人員依例敘用其已到省部未經廉訪司體覆者依上體覆但有不實監察御史廉訪司依例體察仍將本人斷罪不敘原保勘體覆官吏黜降斷罪咨請依上施行

**求仕官員無使停滯**大德元年二月欽奉改元詔赦內一欵節該求仕官員淹留生受仰中書省從宜立無使停滯

# 聽除

官滿在家聽候至元十一年二月中書吏禮部承奉中書省  
劄付五月二十四日爲待闕官員比及有關合原在家聽  
候奏准今後遷轉官員得替依式申報解由止於本家聽  
候明置簿籍標寫月日候受除日期近時勾喚如不在家  
聽候卻行前來並不遷除已經通行照會外近據沼滋路  
申磁州務官都監劃時開寫本人親齋所受文憑赴都求  
仕省部未審應管錢穀人員巡檢提控案牘都吏目人等  
合無同職官一體遷轉呈奉中書省劄付既係遷轉人員  
具合在家一體聽候今後若有解由到部關會完備置簿  
明白附寫銓式月日照勘相應窠闕挨次先行擬注違者  
仰依上施行

告敘官員在家聽候至元十九年四月中書省咨先爲吏部呈亡宋故官往往齎各路文解或以白狀赴部求仕雖有所執文憑終無各道宣慰司保結文字切恐中間詐冒今後應有入仕者該寫籍貫年甲歷仕根腳抄連所受文憑赴原籍官司陳告仍召知識保官一二名當官引驗辦憑無僞保申本道宣慰司照勘相同保呈行省移咨定奪已咨行省依上施行去訖卽目卻有咨到不應人員咨請照驗已咨事理施行仍令告敘人在家聽候卻無致因而力證留難求仕不許赴都至大四年閏七月江西行省准中書省咨照得先據御史臺備監察御史呈卽目在都求仕官員數多如蒙立法悉遣在家聽除實爲久遠便益送吏部議得今後應有得替官員明白開寫在家聽候除在都籍貫人員外如是不遵所行及有暗遞前來求仕之人發

露到官斷罪黜降仍令監察御史繩糾相應得此已經遍  
行去訖今知得替官員不遵原行往往赴都求仕都省議  
得今後應得替官員從便聽候於解由內明白開寫不許  
赴都如違依上究治除劄付御史臺嚴加體察外咨請依  
上施行

100-

100

100



# 除授

除授送赴各路祇受至元十二年四月中書省照得卽目奏  
准除授官員今吏部行下合屬勾請赴都省授除都省議  
得若依前例循行緣去年奏准在家聽候若便勾請各官  
往復生受擬自今後宣敕牌面封記送付各路取印押收  
管文解無得等候給付仰本路勾請本官就總管府公廳  
依例辦所受文憑如無詐冒引驗別無疾狀年老不稱職  
任卽令欽受量程督責赴任仍保結申部呈省送奏准除  
授官員不須勾請前來止令公差去各路人員齎宣敕人  
員並本路釐勒當該人吏並不得因而取受分文錢物其  
聽除人員照依已行在家聽候仰照驗施行

除授官員照會至元二十四年閏二月尙書省奏過事內一

件在先省官人每遷轉的官人每月日滿了呵照闕委付無缺的交等一年闕委付呵怎生奏呵您識者麼道聖旨有來俺商量得交等一年闕委付呵合替的人理會得替他呵不任意行莫不悞了勾當如今俺限五箇月以裏比那的休教過去麼道奏呵那般者麼道聖旨了也欽此已經行移欽依去訖都省節次奏准授除官員除已頒降宣敕令各官欽受依期之任外據合代滿闕員數若是一概行移照會恐在任官員耽悞公事咨請今後授除官都省咨文到彼照勘急闕任滿者隨卽依例照會外滿闕人員比之滿期豫先一月照會合屬施行

# 守闕

遷轉等一年闕至元二十四年閏二月二十六日尙書省奏過事內一件在先省官人每遷轉的官人每月日滿了呵照闕委付無闕的根底教等一年闕委付呵怎生奏呵您識者麼道聖旨有來俺商量得教等一年闕委付呵合替的人理會的替他的不在意行莫不悞了勾當麼如今俺限五箇月以裏比那的休教過去麼道奏呵那般者麼道聖旨了也欽此

銓注官員守一二年闕大德元年十月中書吏部承奉中書省劄付蒙古文字譯該本年十月初五日完澤丞相等官奉過事內一件前者春裏行詔書時節遷轉官員的勾當休教遲住疾忙銓注的立體例者麼道聖旨有呵俺商量

的皇帝根底奏來在前遷轉官員注一年闕來後來遷轉的人每多的上頭俺商量教守二年闕委付呵怎生麼道世祖皇帝根底奏呵這言語我好省不得有後頭說者麼道聖旨有來如今做官的人每休教遲住疾忙委付者麼道聖旨了來這一遍委付的其間一年二年窠闕文書到來的照闕都委付一年二年窠闕的後頭擬定做呵怎生奏聖旨那般者委付者聖旨有呵銓注了奏過委付者先注時節落後下的如今逐旋來的也有且注二年的窠闕委付者選法的勾當如今見教官人每提調著商量有已後合行的定例那商量裏有也者奏呵奉聖旨那般者欽此

**守闕原處聽候**大德二年八月中書省咨御史臺呈諸遷轉官員比及終任已自避事但凡勾當偷安苟且所以得新

官交代况今員多而闕少豫注二年窠闕其新官守闕者不以廉恥自拘往往挈領家屬前去任所或境內居住雖曰伺候月日空代禮任虛張聲勢暗施威福或治下吩咐公事鄉村社長富豪之家饋獻拜識其治下官吏人等必須供應所以新官舊官中間小人乘釁行私間諜不相和睦壞政敗事今後除授守闕官員到合起任月日依例之任不得將引家眷帶行閑人先行赴任所管內住坐具呈照詳都省議得依准御史臺所呈今後除授之後官員止於原任去處聽候前官將滿量移赴任毋得豫期叛行將引家眷於任所守闕住坐如有此等人員聽合屬上司取問究治仍令監察御史廉訪司糾察請依上施行

**豫期守待之任**皇慶二年三月江西行省准中書省咨刑部呈奉省判御史臺呈准陝西行臺咨四川廉訪司申重慶

路同知李榮豫期一年前去本路住坐之任責得本官狀招不合違例於至大四年十一月二十五日豫期一年將引家眷前去重慶路照得同知李榮所招違例豫期一年將引家屬前來重慶路守待之任罪犯係在皇慶元年十月二十九日以前欽遇原擬合標附今後若有似此豫期守闕人員取訖明白招狀量決二十七下依例標附如蒙准呈遍行照會相應具呈照詳得都省議得已除官員豫赴任所守待例合禁止若有違犯臨事詳斷餘准部擬咨請依上施行

# 赴任

## 赴任限程

在家裝

東假限

自大都

至本家

自起程

至到任

在家行

程

二千里內  
三千里內  
以上雖遠不

三十日

四十日

過五十日

驛馬馬長行  
舟行

百人以上

未自八十里

日兩站  
日七十里

日上一站

下水昌千里

職當急赴者不拘

此例其到任日即

將授除備裝起程

到任署事各各月

日從實開具牒報

本處備申合于上

司照勘若有違限

人員就便取招約

量斷罪百日之外

者仍依例作闕

百里外不公參至元六年十月中書吏禮部承奉中書省判該奉都堂鈞旨今後散府並州縣赴任官員照依舊例相去本管上司百里之內前詣公參百里之外止申到任月日其本管上司並不得非理勾喚失悞公事仰吏禮部遍行各路照會施行

無照會急闕許禮任至元八年三月尚書吏部據平陽路恩州等處申有本縣捏直韓浦等齋敕牒前來赴任緣由不曾奉到照會耽悞不曾禮任乞照驗事著部議得今後除授官員未曾照會先齋所受宣敕到任令見任官司照勘如委是急闕或前官已滿卽令新官理任隨卽申覆本管上司若前官月日未滿擬令代官守滿交替呈奉都堂鈞旨送吏部准擬施行

官員不到任就便勾請至元二十九年三月中書省近奏准



守闕官員銓注授除外都省議得隨行照會到所屬總司照勘除急滿窠闕依例照會之任據守闕人員明白標附相近滿日量地程遠近照會任所如不到者就便勾請照驗施行

**無照會官員不許禮任**至大元年六月十一日中書省奏過事內一件去年大凡省家的勾當隔越著你不揀誰休奏者口傳言語交禮上來的休教行者麼道聖旨有來又前者皇太子從大都上來的時分令旨來省家的選法限外了有兵司裏稅務裏並其餘衙門裏口傳言語便交禮上了的無照會不會受宣敕來的多有麼道說有依在先體例色目漢兒人相參如今依著你定擬來的人每根底皇帝根底奏了宣敕交行者無照會不會宣敕來的依著聖旨體例裏都休交行者麼道令旨有呵俺依著聖旨令旨

各處行了文書將那一等人每都革了也如今不曾受宣  
敕被革了的人每這般革了也麼道說也者俺上位奏知  
有奏呵那的每我根底也不會交奏有不教他每奏也者  
一麼道聖旨了也欽此

**投下人員未換授不得之任**大德七年十一月十六日中書  
省咨御史臺呈陝西漢中道廉訪司申大德七年四月二  
十六日有捏不烈大王位下乾州路長官所管醫工戶計  
文清收告本投下提領所衙門止管人戶一百八十戶設  
立官吏人等一十五名並無印信署備牢獄枷鎖接受本  
管人戶詞狀不惟官冗人多實爲擾民不便乞施行得此  
照例行下本管安西等路本投下諸設色戶總管府照勘  
回申解內署官衙除達魯花赤同知欽奉宣命外總管段  
世賢不見所授文憑爲此追照得本府大德六年十月十四

日承奉本投下王傳照會到段世賢敬受令旨充管領本投下安西鳳翔延安興元等路打捕鷹房人匠諸色戶總管府總管除本宗事理另行外卑司看詳諸投下衙門官員雖例從本位下差委有總管段世賢敬受令旨充本府總管未經換授輒於欽受宣命之上畫字其於禮體未順以此參詳合無今後各投下差委人員比及換授以來無令先行之任署事豈惟以正名分之別庶幾權綱歸一緣係爲例事理具呈照詳得此送吏部照擬得本部參詳合准御史臺所擬投下人員未受朝命不應之任行移各省照會相應具呈照詳都省咨請依上施行

**赴任程限等例**

大德八年九月御史臺咨奉中書省劄付吏

部呈奉中書省劄付欽奉聖旨節該受了宣敕不赴任人每後頭勾當裏不敘用欽此照得已除官員裝束赴任假

限已有定法各處官司並不遵守爲此本部令逐一議擬  
到下項合行事理如准所呈遍行照會庶革僥倖紊繁之  
弊具呈照詳都省除外今開逐項事理前去仰依上施行  
一欽奉詔書條畫內一欽節該三年之喪古今通制今  
後除應當怯薛人員征戍軍官外其餘官吏父母喪  
亡丁憂終制方許敘仕奪情起復不拘此例蒙古色  
目人員各從本俗願依上例者聽欽此照得已除內  
外守缺官員未任其間若遇父母喪亡應合丁憂者  
其職名隨卽行移官司轉申上司別行注代庶望將  
來不致闕官如不卽申報從本道廉訪司體察究治  
一欽奉聖旨節該做官的人年到七十三品以下官員  
添與一等散官交閒者欽此照得受除守闕未任官  
員中間年老或因事故不能赴任者以致曠職悞事

省部無由得知銓選有所未便本部議得今後受除未任官員若有例合致仕並年雖未及衰老不能赴任人員具各各緣由行移申報身故者以次親人并鄰佑社長申告所在官司開具某官職名申報上司別注代官如違所在廉訪司體察究問施行

一承奉中書省劄付大德八年三月欽奉聖旨節該受了宣勅嫌地里遠或嫌名分低小不赴任去人每根底後頭勾當裏不敘用欽此照得近奉都省劄付內一欵已除赴任官員在家裝束假限二千里內三十日三千里內四十日已上雖遠不過五十日其在路行省大都至本家自起程至到任馬行日七十里車日行四十里乘驛者日兩站百里以上止一站舟行上水八十里下水日百二十里職當急赴者不拘此

例違限百日之外者依例作缺已經遍行照得去訖若不再行慮恐受除人員不遵原行悞限不敘之例議得今後此等受除官員須要依期赴任違者欽依見奉聖旨處分事意施行

一照得省部銓選止憑官員到任月日注代今各處官司往往不卽申報蓋因各衙門已委提調首領官不以選法爲重以致耽誤標附爲此議得今後赴任官員如到任所卽將理任署事月日飛申以憑標附若有犯贓事故等官亦仰依上申報如是依前違授不爲用心檢舉申報去處定將委定首領官取招斷罪施行

一近承奉中書省劄付內一欵今後除受守缺官員吏部照勘行各官聽候去處亦行照會施行承此除遵

依外照得近年以來而內外得替官員解由到部多有不行開寫聽候去處若不再行有礙照會議得今後內外得替並初入流品人員須要開寫某路府州司縣村坊聽候色目人員亦合依上施行

一至元三十年三月承奉中書省劄付議得作缺之後到任官員已除人員准令交代作缺之後到任官員未曾銓注准擬標附已經遍行照會去訖比年以來各處行省往往咨到已除未任人員多有過期一年之上不行赴任員數必須照例議擬作缺別注代官比之新官到彼其已擬作缺者卻有之任官員蓋因不知前後交代之例以致爭訟各處行省不照原行區處備咨都省判送吏部照擬及有一等受除人員意嫌所受職名低小附托當途旁求巧進或所圖未

遂者必須卻赴任所以致遷延過期又恐作缺假以  
病患爲由於有司告給憑據方才之任如此僥倖者  
有之以此參詳今後除守缺官員須要依期到任若  
果患病隨即行移所在官司勘當是實如所患病疾  
百日之內痊愈給據許令之任已過百日之外不能  
赴任者隨即申覆上司別行注代若當該官吏給據  
其間看循故行捏合虛稱病故符同保勘者並行斷  
罪仍令監察御史本道廉訪司嚴行體察究問施行  
一承奉中書省劄付奏准條畫內一欵諸行省管轄官  
員若有多歲不經遷過時不到任及久曠未注或緊  
缺官卽須照勘明白咨省定奪其到任例合標附人  
員每月通行類咨直隸省部路分欵此照得先爲隨  
朝諸衙門腹裏路分並行省宣慰司廉訪司諸見任



官員職名理任月日已除未任不遷急缺去處各各員數每季不過次季仲月咨報到省去後各處違期不行季報有礙標附照勘都省摘委本部主事一員不妨本職提調遍行諸衙門並合屬今後須要依期呈報如有違慢定將已委官究治欽奉此今照得各處季報往往不行依期到部雖有報到中間脫漏字樣差悞頭欸多不依式又事故官員雖稱因事停職不見會無歸結是否作缺難議注代必須再行取勘不惟紊繁有礙銓注以此參詳蓋是已委提調官不以季報爲重以致耽悞如此議得今後腹裏每季不過次季孟月十五日已裏須要關申到部行省每季依期咨報到省以憑標附如是依前過期不到依期報到照勘得中間但有爭差定將委定

首領官取  
招斷罪

官員依限赴任病就任醫至大四年四月十四日御史臺奏  
過事內一件委付了的官人每嫌名分小田地遠不肯去  
的要罪過者更非奉聖旨不得擅自離職世祖皇帝行了  
聖旨有近來年行臺各道廉訪司官勾當裏委付了不去  
的也有推稱病患不滿百日離職來了的也有更推稱有  
題說的勾當鋪馬裏來的也有這裏幹別勾當的也有因  
那般各處缺員耽悞著勾當的緣故是這的有俺商量來  
今後委付了的官人每教依限赴任到任之後端的有病  
呵就任所教醫治一百日醫治不好呵依體例作缺別委  
付人推病麼道使見識的更非奉聖旨推稱著勾當擅見  
離職來的不教來呵怎生奏呵那般者麼道聖旨了也欽  
此咨請欽依施行

不赴任

不

實無

笞三十加一等杖八十

除行程並裝束假限外違者計日斷罪須臾違者不拘

故不赴

此例若患病及違限百日作關之任職官及因公在

任限滿

他所患病仰於所在官司告投得知晝時差官驗治病

不到同

一日三日

愈節使出給文憑發遣之任無致稽留生受候到任日

任

所在官司

從本路照例已行事理扣算自受除至到任除行程

舊

不驗治而

並裝束假限及患病月日外有無違限指定端的本

例

官員

路官吏官出保結申部如有違限就取本官明白摺

患病

給據者

狀申來以憑施行

做官的不去勾當裏不交行至元二十四年六月日御史臺承奉尙書省劄付至元二十四年閏二月二十六日奏過事內一件做官去的人每受了宣敕一年半年不去有今後那般不去的每根底的宣敕要了勾當裏不教行呵怎生奏呵只那般者麼道聖旨了也

**廣選不赴任例**至元二十九年二月初九日中書省奏過事內一件福建兩廣四川等處或遠或近依例遷轉的人每受了宣敕不去呵要罪過者麼道聖旨有來如今勾當高了低了也更嫌遠受了宣敕不去的人每有似那般的依先行的體例裏要罪過呵怎生商量來麼道奏呵是也那般者有罪過者那畜生每根底也教種田者麼道聖旨了也欽此

**不赴任官員**浙江行省准尙書省咨至大二年八月二十八

日奏過事內一件欽受宣敕不赴任去的人每依先聖旨  
本例要他每罪過呵怎生麼道呵奉聖旨那般者欽此照  
得至元二十六年六月內奏過事內一件在先求仕人員  
這壁那壁使錢與肚皮勾當裏行有來如今勾當裏行的  
人勾當裏不用心趁閃的也有一頭得見勾當嫌好反遠  
近麼道不去的也有似那般每根底不治約不中的一般  
折麼道奏呵你道的是也似那般的每根底不須殺鎖著  
交拽車或交淘金或教燒窑的你識者麼道聖旨了也欽  
此大德八年三月十六日奏過事內一件依體例遷轉官  
員遠近受了宣敕不去的要罪過者麼道聖旨有來前者  
省官人每世祖皇帝根底奏了說道職事低了或嫌地里  
遠寫受了宣敕不去的人每根底依在先體例要罪過呵  
怎生奏呵是也那般要罪過者教那畜生每種田者麼道

聖旨有來如今俺商量得似那般受了宣敕嫌地里遠寫或嫌名低了不赴任去的人每根底後頭勾當裏不敘用呵怎生呵奏呵奉聖旨那般者欽此至大二年正月十四日奏過事內一件但凡勾當裏委付來的受宣敕的官員每使見識推緣故委付了的勾當不去的每根底將他每的宣敕教納了依著在前辭禪皇帝聖旨體例裏教種田去呵怎生麼道奏呵您說的是有那般者麼道呵怎生奏呵奉聖旨了也欽此

**官員嫌地遠不去罪例**中書省至大四年九月十三日欽察郎中特奉聖旨勾當裏委付了的官人每嫌田地遠推稱不肯去的色目人呵兩廣委付將去者漢兒人呵和林林海都田地裏委付將去者明白行文書者麼道聖旨了也欽此都省咨請欽依施行

不赴任永不敘

見前赴任內

典章卷十終



吏部卷之五

典章十一

職制

二

職守

假故

代滿

丁憂

作闕

給由

致仕

封贈

職守

管民官兼奧魯至元九年十二月

日欽奉聖旨據樞密

院奏隨路管民官司將軍戶與民戶一概科取差投騷擾不安卽目正是調遣軍馬之際切恐久而削減軍戶氣力今擬各路府州司縣達魯花赤管長官不妨本職兼諸軍奧魯除各路達魯花赤總管令宣命印信府州司縣達魯花赤長官乃亦給印信俱就用已設首領官人吏另行奧魯衙門不須添俸但係軍一切大小公事欽依聖旨並須

申院非奉樞密院許准明文不得於奧魯內擅科差役將來任滿具解由申院若任內撫治軍戶安貼不致減削氣力驗事輕重陞遷若有擅科差役騷擾軍戶逃竄不安者亦輕重黜降准奏呵聖旨仰依上施行

**首領官**

**奧魯**

至元十一年三月中書省據吏部呈平陽霍

州趙城縣等處三爲達魯花赤縣尹差故奧魯公事無人掌管行下樞密院講究得先據大都順天益都淄萊等路申今後奧魯正官遇有差故合無令以次州縣官承管得此行下各路如奧魯正官俱有差或比及還職以來令奧魯首領官權行管領去訖據各路司縣以次管民官不係兼管奧魯官員任滿解由申院難令權管都省准呈

**兼勸農事署御**

至元十三年八月二十八日中書省奏准各

路達魯花赤總管提調農事欽此據腹裏授除各路府州

監達魯花赤所授宣勅添寫兼管勸農事已經照會了當  
又據大司農司呈各路府州縣已除見任未滿官員將農  
事一體署入階銜具呈奏聞通行照會事得此都省於至元  
二十四年二月十三日奏過事內一件城子裏州縣官每  
不妨管民的勾當提調者麼道宣敕裏寫來如今比及倒  
換宣敕呵種的勾當提調者麼道著文書行呵怎生奏呵  
那般者麼道聖旨了也欽此

各路達魯花赤總管添兼管農事

散府州縣達魯花赤長官添本府州縣勸農事

**軍官不得管民**樞密院呈中書省一件至元二十四年二月  
十四日奏准行樞密院求仕官吏人等今從都省定奪具  
呈照詳都省於至元二十四年閏二月二十八日奏過事  
內一件樞密院官人每與將文書來行樞密院根底罷了

呵行來定奪呵各萬戶都委付了人也俺根底窠闕也無  
有省官人每根底說了教定奪呵怎生麼道奏了來俺商  
量得做軍官來的體管民者做民官來的體管軍者道的  
聖旨有民官每的窠闕別無有麼道奏呵你的言語是有  
他每根底說知則那般者麼道聖旨了也欽此

**官吏不得擅離職**

元貞元年閏四月二十五日欽奉聖旨節

該從今已後自中書省以下內外大小諸衙門行的官吏  
人等各各委付著底勾當裏用心謹俱行者不揀甚麼勾  
當疾忙辦集者體教遲悞者百姓每體教生受者非奉聖  
旨不得擅自離職者又勾當裏委付了不去的差使將去  
裏勾當辦了疾忙不還職底人每呵取了他門招伏依他  
每合得底罪過驗輕重斷了委付來的職事罷了者應合  
遷轉官員內合教遠近去底依體例遷轉者肅政廉訪司

官人每監察每常時體察者這糾彈官肅政廉訪司官人每監察每這聖旨別了呵依體例不體察比別箇人重有罪者麼道道來欽此

**軍官不得擅離職**皇慶二年四月福建廉訪司承奉浙江行省劄付准樞密院咨皇慶元年十月十六日奏過事內一件各處軍官每教近行的奏了教來者麼道說有元院家的文字將各管省的軍人每撤下來了的多有若有軍情緊急勾當呵就悞了去也今後元院家文字不教來若有來的他每根底要罪過有合來的勾當呵俺根底說將來俺上位奏了與文字交來呵怎生奏呵奉聖旨那般者你根底不商量了爲自己的勾當體交來者欽此



# 假故

放假日頭體例二款中統五年八月中書省欽奉聖旨條畫  
內一欵節該京府州縣官員每日圓生商議詞訟理會公  
事如遇天受冬至各給假一日元正寒日各三日七月十  
五十月一日立春重午立秋重九旬日各給假一日公務急速

不在  
此限欽此

又至元十五年樞密院准中書省劄付據各省使也速忽都  
咨呈奏過事內一件在先初十日二十日三十日每月三  
次放旬假有如今初一日初八日十五日二十三日再乙  
亥日這日數有性命的也不著宰殺有人根底也不打斷  
這日數裏放假呵怎生奏呵奉聖旨那般者欽此

官員病患曹狀至元八年中書省據御史臺呈殿中司體知

得必闡赤亭都歡自二月二十七日患病至三月初六日計九日不見供報到曹狀呈乞照驗事又據本臺呈劄魯火赤約刺忽並必闡赤忽都魯不見根隨車駕前來上都擅自落後亦不見供報曹狀乞定奪明降事爲此都省與尙書省官御史臺官一同商議得據假告事故官員不報曹狀罪犯一次罰俸八兩再犯依上罰俸若三犯者近上官員聞奏近下人員從各衙門就便的決外據無故落後官員驗實日全剋俸祿再犯依前剋除三犯依上施行

**官員違限責罰**

至元八年七月御史臺准尙書省咨益都路同知完顏珪慶都縣達魯花赤外木反俱爲母亡奔喪合無減半支俸或截日住支還日依例支給請定奪事省府照得先爲給故官員俸給與中書省御史臺一同議得假告事故官員既是官司說過教去了來呵俸錢都合支與



定與限次如是違了呵依例罰者爲此議得據合遍行隨路移准中書咨准擬施行

病假人員給據至元二十四年二月行中書省准中書省咨會驗至元五年正月都省議擬到職官在任若病假滿百日者申部作闕其身病求醫親老告侍者本管官司勘當是實別無規避粘帶保結申部作闕仍皆於任所給公據期年後並聽於現居處官司給保解連申求仕如自願體閒者本官不在敘用之例劄付吏部依上施行去之今來照得吏部呈到敘用官員並提領案牘都吏目人等於內因病作闕之人不依原行取給公據各處官司止憑本官詞因畧云勘當是實便行申部本部亦不得照依前項格例輒便備呈都省其間規避難已關防擬自今後各處官司並作闕官員人等須要照依前項已行格例取給公據求仕日

繳申省部照勘如違首領官罰俸司吏的決正官別議求仕人再行勘當別無規避再聽期年敘用除外咨請依上施行

**奔喪遷葬假限**至元二十八年正月福建行尙書省准尙書省咨四川行省咨照得四川所轄諸司官吏俸秩已有定例所據職官婚姻喪葬等應給假者俸祿不見全無全給唯復別有定奪伏請照詳施行又准江西行省咨興國路通山縣尹裴繼炎至元二十六年又十月十八日爲父身故奔喪二十七年正月十一日還職合無從奔喪俸給兜支准此送吏部照擬得諸職官並應請俸人等近年以來雖有告假准給人員終無奉到通例無以執守今後遇有告假者若依舊例議擬切恐因而妨奪公務未便以此參詳除省親拜墓婚姻之事近後定奪外據祖父母父母喪亡並遷葬者卽係人子大事合依舊例給假並除馬程今

將各各日限開具於後所據給假合從戶部議擬爲此劄付戶部議擬得職官奔喪遷葬人子大故今旣以人倫重事許給假限其限內俸鈔擬合支給以厚風俗若違限不到者勒停移咨行下合屬照會施行

祖父母父母喪假限二十日

遷葬祖父母父母假限二十日

**奔喪違限勒停**元貞二年十二月湖南道宣慰司爲來陽知州覃模奔喪事照得先奉湖廣行省劄付准尚書省咨除省親拜墓婚姻之事近後定奪外據祖父母父母喪亡遷葬者卽係人子大事合依舊給假並除馬程如違限不到停俸定罪坐到祖父母父母喪亡假限三十日仰照勘本官到任別無規避依例施行本官不行隨時前去卻托稱痔瘡發作在任署事直至閏四月初六日經隔八十餘日

方至澧州慈利縣茆崗寨一千六百里爲程例一千六百里往回途程該立十四日合得限三十日通該假八十四日准慈利縣牒並覃知州關文患病四十日尚違限期七十八日就問得覃模狀招相同本司議得人子喪親痛切肌體聞訃就道斯謂奔喪今知州覃模係千里風化之任母亡一年申奉宣慰司劄付該令給假卻行推病安然在州署事八十餘日纔方起程到家又復遷延不行還職除途程假限病故之外違限七十餘日忠孝之道似爲兩失何以勸民將本官依例停俸申奉省府劄付移准中書省咨送吏部照擬得本州已除知州劉庭守覃模元貞元年二月滿闕除已催督本官之任外本官違限罪犯合從刑部定擬都省議得知州覃模聞訃不行奔喪違限取限招伏合行依例勒停

**患病侍親格限**大德六年七月江西行省准中書省咨該吏部呈會驗到至元八年無定職官之任違限及患病各過百日並自求醫親老告侍勘當別無規避並行作闕期年後聽仕除遵依外本部照得卽日到部患病作闕官員所給解由止以別無粘帶過犯多不依例保勘中間有無規避若便行移勘當不惟往復逗遛文繁亦使求仕人員停滯生受以此叅詳擬自大德六年三月初三日爲格以前給由者驗應得資品遷敘格後似此人員擬合遍行照會須要依例保勘完備咨申定奪具呈詳得此都省准擬除已劄付吏部依上執守外咨請依上施行

**病故官申牒所在官司**大德七年閏五月初六日江西行省准中書省咨吏部呈河東宣慰司關千陽路備澤州申准本州知州關切切見省部銓選官員豫注二年窠缺已受

除者守待其間或因事不能赴任銓注官員無由得知參詳擬合照會諸衙門今後若有已除官員守缺其間或有病故及因事不能赴任者令親隣人等開具職名呈報當該官司申覆上司別行銓注似不淹滯關請照驗本部參詳如准所言遍行照會相應具呈照詳得此都省議得已除官員若有病故及因事不能赴任者本官隨卽申牒所在官司如不申報親隣主首人等開具職名呈覆當該官司轉申上司別行銓注都省咨請依上施行

**官員具報曹狀**延祐三年十一月十六日御史臺官奏過事內一件御史臺之下立著殿中司衙門有近日上位可憐見殿中丞陞做四品也他每管的勾當中書省爲頭不揀那箇衙門奏事呵合一處入去聽的體例有不合聽的人每根底教迴避有自省以下但有俸錢人每有病疾事故

呵三日後不出來的及出來呵合報與曹狀有凡不靛立衙門諸官員理任出差還職呵也報曹狀有病過百日不作缺的又病可了出來不報曹狀的行禮時節失儀落簡脫了腰帶立地的不依法度並官人每使見識不出來的教殿中司糾察呈臺合責罰的責罰合奏的俺上位根底明白題奏這般整治行呵怎生奏呵那般者麼道聖旨了也欽此





# 代滿

代官到任方許離職至元四年中書省劄付各遷轉官員欽此聖旨擬三十箇月爲滿一考較其功過以憑陞遷降轉施行奉此照得舊例諸執事官皆代官到日方許去任除已具呈中書省相度如有任滿官員無得輒便離職候代官到日方許去任依例求任事承此



# 丁憂

**官吏丁憂終制敘仕**大德八年 月欽奉詔書內欵節該三

年之喪古今通制

三年實二十七箇月

今後除應當怯辭人員征戍

軍官外其餘官吏父母喪亡丁憂終制方許敘仕奪情起復不拘此例

**官吏丁憂聽從**大德九年五月初九日湖廣行省准中書省

咨大德九年二月二十七日奏過事內一件官吏等但是

勾當裏行的人每歿了父母呵勾當裏出去丁憂三年者

麼道行了詔書聖旨來如今但是勾當裏行的人每裏頭

得用人每丁憂出去了呵勾當裏有窒礙有於內匠官陰

陽人醫人等各投下勾當裏行的人每也有似這般的人

每不教丁憂一一奏了教行呵頻煩聖旨的一般有丁憂

三年再得勾當呵人每也生受有為那上頭兩箇丞相等  
俺眾人商量來如今丁憂的聽從他每呵怎生奏呵那般  
者聖旨有呵去年為這勾當的上頭行了詔書聖旨來如  
今奏知俺省家行文書呵怎生奏呵奉聖旨那般者欽此  
**丁憂並許終制**至大四年三月十八日欽奉詔書內一欵官  
吏丁憂已嘗著合後並許終制實二十以厚風俗朝廷奪  
情起復蒙古色目管軍官員不拘此例

**違例不丁憂**並見刑部諸惡門不孝類

**官吏服闋先銓補**延祐元年八月江西行省准中書咨照得  
下不見官吏丁憂二十七箇月終制之終如何起復通例  
送據禮部呈照得云大德九年官例丁憂先籍記銓注例今承見奉參詳如  
准前例諸職官見任者從本衙門已除未任者從原籍官  
司隨即給由有出身吏員人等已及考者一體起發文字

以達吏部關會完聚依例照缺銓注候終制日照會合屬起復從事外據未及考吏員人等在內吏部在外合干上司籍記姓名服闋先行貼補相應都省議得丁憂職官服闋不次銓注吏員人等未及考滿者終制日先行貼補餘准部擬請依上施行

**管軍衙門遷轉之人依例丁憂**皇帝聖旨江西廉訪司分司准本道廉訪司牒承奉江南諸道行御史臺劄付該奉中書省劄付來呈據監察御史呈照刷河南行省文卷一件延祐四年九月初四日據高郵甯國萬戶府知事孫顯呈有父於今年四月初七日繼母二月十七日俱亡得此照得高郵甯國萬戶府申本府知事孫顯父母亡歿卻與軍官不同理合丁憂本府申該驗呈限奔喪明見不應不行明白區處仰下甯國翼依例施行爲除別行此取問外若



不糾呈切恐其餘管軍衙門首領官吏亦有似此托爲軍職不得丁憂之人傷風敗俗深爲不便擬合遍行照會如有違犯依例斷罪降敘相應得此送據刑部呈議得鎮守高郵甯國萬戶府知事孫顯父母俱亡如係遷轉之人合依已擬依例丁憂具呈照詳得此都省合下仰照驗依上施行

# 作闕

**病假百日作闕**至元八年四月尚書吏部照得依准舊例職官之任違限及病患各過百日並自病求醫親老告侍勘當別無規避並作闕期年聽仕本部似此官員告敘若是止照原行作闕部符到日爲始理算期年卻緣州縣官員病患事故百日之後始自司縣申州州申總管府府申省部比至呈省准申作闕直候符文到日爲始近則三五月遠到半年之上更有近遠州縣必待十餘月准陞作闕符文纔到雖稱期年聽仕實不下一年半二年之上方得告敘爲此酌古准今議到下項事理呈奉到尚書省劄付准呈仰照驗施行

一在任官員患病經百日外作闕擬自離職住俸日爲

始限一十二箇月後聽仕

一在任因病求醫並告侍州縣官員擬自離職聽住俸日爲始限一十二箇月後聽仕

一原任官員委是患病事故不能赴任自各官受除當月爲始限一十二箇月聽仕

**患病百日作闕**

至元十七年正月行中書省准中書省咨

吏部呈南選官員俱係都省銓注近者遷去人員卻行指稱已會到任因病還家或稱沿途患病不會到任徑直具狀及干原籍路分起解申部告敘其間規避本部無憑照勘議得已到任官員若在任委因病患作闕別無規避期年其寫歷任根腳作闕緣由于原任官司照勘相同保結申本道宣慰司具呈行省移咨都省依例定奪如無行省咨文別無定奪未曾赴任官員若沿路委因病患不能前



去經由所在官司命醫看治病愈行移發遣赴任如病過百日別無規避申部作闕期年後照勘歷任根腳例定奪呈乞照詳事得此都省准呈咨請照驗施行

**不死之任作闕**至元二十八年十月御史臺承奉中書省劄付吏部呈已受宣敕省部劄付官員與人辨證公事及有經手錢穀照算未了相妨不能之任或因父母喪亡已過百日作闕者開寫妨礙始末年月備細緣由於所在官司陳告取會別無規避違礙保結完備隨即給據至求仕日止以原住地面窠闕遷敘又病患不能之任者即報所在官司命醫看治百日外作闕取會中間別無規避即給據開寫所患之病證至痊可日期依上保結明白期於聽敘至自求仕止以原注地面窠闕遷敘如委無事故病證中間虛行捏合不實其保結官吏並行治罪本人照依原欽

奉聖旨事意施行仍令監察御史並各道廉訪司嚴加體察具呈照詳事都省准擬除外仰遍行照會施行

**棄職侍親作闕**元貞二年八月御史臺咨奉中書省劄付吏

部呈大都路備石巡院申濮州范縣尹王敦武侍親不行之任事本部參詳今後見任已除官員委因親老自願棄職侍養者宜准作闕親終服闋方許敘若朝廷奪情起復者不拘此例都省准呈仰照驗施行

# 給由

**解由體式**

皇帝聖旨裏某州府准某官關牒

或處司縣申

該准某

官公文除在前歷仕外於某年月日受

宣命敕牒

某散官充前

職自幾年月日理任署事至幾年月日有某官到任替訖

或因病假等故作關

通閏實歷請俸勾當過幾箇月中間並無侵欺

粘帶一切不了事件

請訖

依例勘會給由事得此尋勒六案

並該管司屬倉場庫務坊里正人等照勘得本官自到任

至得替日

或作關

中間別無公私過犯侵欺借貸係官錢糧

粘帶一切不了事件及無被勒住職曠闕虛閑月日諸般

違礙公事

如作關須云有無規避若有功過粘帶由頭內畧說緣故後項備細開申

就令本官

召到知識保官某人委保某人前職別無詐冒委自首領

官某人憑籍比照得某官實歷請俸勾當過幾箇月日並



無爭差依例申保相同及將

宣命敕牒

辦驗無偽抄錄在前今

日某字號半印勘合書填前去並將本官年甲籍貫歷仕

脚色同應合申事件逐一開具於後官吏保結是實合行

申覆乞伏照驗施行

一本官年甲若干是何色目人氏有無病疾某處祖御

某處原作是何名色戶計附籍見存者某人某處應

當差役

謂軍站儒醫僧道民匠之類

日今某處居住識會是何文

字

謂蒙古畏吾若漢兒文字

通曉是何言語自來不曾更名改姓

如會更名即云原名某於某年為何緣故給到何處官司改名公據

一本官三代

曾祖某

若會歷仕即云歷仕職名不曾歷仕注云不曾歷仕

祖某

父某

並依會祖式開寫

一本官根底原係是何出身

謂承襲承繼庶僚吏員儒業軍功等

直云入

仕緣由剋仕某處幾年月日

欽受敕牒

或祇受省部

院劄幾年月日到任至幾年月日得替實勾當過幾

年月日

有無功過畧具事由

給到處官司幾年月日解由到

部會無陞降

久任依上開仍具所帶散官三任四任依上開若不係應敘職名不須開

一照勘某官前任某職某人於某年月日到任至某年

月有新任某官到任替訖通計勾當過若干月日尋

勸司屬

謂倉場庫務六房里正主首頭目人等

照勘得本官自到任至

得替日中間並無公私過犯侵欺借貸粘帶一切不

了事件

一照勘得本官在任實勾當過幾箇月日通請到俸鈔

若干中間並無公私過犯亦無被勘住職曠缺虛閒

月日

若有公私過犯備細開寫所犯根因招斷罪名如曾被勘亦云年月緣故住職如何的決在後

會原復任除被勘日月外實勾當過若干月日及任  
月日會原支給俸錢逐一開申如原不須聲說若有  
軍功實跡  
立款開申

一照勘得本官自到任至得替其間應會掌管提調巡

禁事務謂如提調軍站戶內有無科取及巡禁私鹽私茶強竊賊盜有無生發過失之類各

各明白另款開寫如掌管巡禁人員差故以次兼管

官員亦仰依上另款開寫若有軍站科取須寫如何盜賊生發以及過失須用開寫已未從獲數目

一本官任內提點過農桑實跡依已行備細開款申報

如有不係提點官員亦云並不提點農事

一照勘得本官自到任至得替日其間並無侵欺借貸

移易係官一切錢糧如有侵欺借貸等項須要追徵數足然後給由仍具招款開申

一本官任內提調禁治紕薄窄短疋緞鹽絲桑線等物

並升斗秤尺有無違犯起數保結開申如有會提調亦云不會提

調禁治上

項事理

一某官任內提調鹽法

如是提調照依先去體式開寫如不係提調官員止云不會提

調不須開寫款內項日

提調官拘收鹽引自幾年月日到任至

幾年月日得替計總

鹽貨若干

交割到前官某人界內鹽未賣若干本界內販到

若干

簿籍若干

交割到前官某人幾扇本界內置到幾扇

賣訖鹽貨若干

解訖上司鹽退引若干獲到是何官司幾年月日

收管爲照

現在鹽貨鹽引簿籍交割代官某人收管收到幾

年月日關文爲照

一本官在任應合相沿交割之物一又交訖取到新

某官某年月日備細名件收管文牒照勘得與原交

相同別無少數立款開申

物謂合交解字倉數斛斗架閣青典宣聖廟宇使客鋪陳器物牢房之數如無亦須聲說並無相沿交割物件

一本官交割訖行使印信一顆四角篆文齊全並職由

另款開申

一本官有無懸帶金銀牌面

如已納訖具寫幾年月日

一本官到任至得替以來據各處狀保廉能實跡逐一

開申

一本官願某處住坐聽除

一餘有合行開說事件亦仰依上立款開申

一委某官某職某人將本官所受の本文憑與抄白對



請別無詐冒官吏保結是實

右依式

年 月 日式

任滿勘合給由至元二十三年十二月行中書省劄付准都  
省咨今後所轄路府州縣任滿求仕人員依例召知識保  
官委行省左右司官辨驗無僞重行保結然後書填年月  
半印須要明白開寫保官於當月終通行類咨報事准此  
已經劄付各處依上施行去後今據各處除任滿給由人  
員止用勘合外據遠年入仕應告敘定奪人員各處往往  
備詞申覆並不依式勘會亦不行用勘合關防事屬不當  
省府擬自至元二十四年正月爲始已後應有任滿給由  
并應敘定奪人員須要依式勘會完備召到知識保官辨  
憑無僞重行保結書填勘合申呈施行仍於當月終節畧

脚色不過次月初五通類呈省

又至元二十四年閏二月御史臺呈奉中書省劄付據南京等路宣慰司呈准本司同知楊少中牒竊見國家張官置吏本爲百姓近年以來貪官污吏多得美除廉慎守約之人因循懈怠昧於政事蓋因隨道按察司斷過人員其所管官司假言不知保結解由及經斷之人多係貪污者銓曹不知私犯依例注授實無激勸莫若遍行照會今後御史臺按察司糾察過廉能官吏行過事跡斷過貪污之人所招情犯聲說或犯賊濫或侵欺官物或恃權違枉或侵漁百姓懦弱不識或不問官事或避罪在逃或賊犯罷役及一切不公緣故開坐行移本路總管府本道宣慰司候各官任滿於解由上明白開寫以憑殿最似望激勸爲政乞遍行照會事得此送吏部照擬回呈參詳除臺保廉能

人員已有陞轉定例所據職官任內監察御史按察司糾  
察過取受一切不公開坐已招罪名行移合屬官司及本  
道宣慰司照驗候各官任滿於解由內明白開寫外據諸  
人告論一切公司過犯亦合依上施行得此都省准擬

**給由勘俸月日**至元二十四年二月行中書省准中書省咨  
照得近爲諸衙門滿考有出身人員并任滿求仕官員俱  
驗實歷諸俸月日定奪陞轉其原來解由文字多有冒椿  
不實月日已有事發之人詳此蓋因求仕人員通同捏合  
欺誑上司已經劄付戶部遇有照勘請俸月日隨卽下庫  
從實照勘申部委自主事親行比照的本籍冊別無爭差  
於同關上書寫主事某人照勘相同行移吏部以憑定奪  
云訖咨請今後各處申到解由文字委的本省首領官一  
員依上比照的本籍冊內請俸月日以憑照勘定奪施行

至元新格官員雖已經任滿得代本身若有侵借係官錢糧現任官司直須追納到官方許給由聽其求仕諸官員解由已有定式凡當該給由官司並須依式勘會別無不盡不實事理方得保申有詐冒不實並勘當未盡者所由上司隨卽究問察官刷卷日更須加意檢校但不應給由而循情濫給並理應出給而刁蹬留難者並聽糾彈

**給由體覆功賞**至元二十九年三月中書省據刑部呈照得近准吏部關江南求仕官員解由內開寫在任捕獲作耗賊徒定擬功賞卽不見是否親獲有無爭功之人會無給賞又不經廉訪司體察行省亦不保勘止憑各官在任飾詞牒文於解由內一例開寫到咨都省陞賞實爲未應參詳擬合移咨各處行省今後應據首告捕獲作耗叛亂首從賊徒明白開寫實有功績是否親獲有無爭功之人會

無給賞分別本處別境憑誰總領收捕官保結文狀行移  
本道廉訪司體覆是實繳連的本牒文申覆本管上司行  
省更爲保勘明白一切完備另行移咨都省付下以憑定  
擬庶望革去奸弊不負有功之人具呈照詳都省准呈除  
外咨請照驗依上施行

**捕盜官給由例**至元三十年七月江西行省劄付准中書省

咨先至元新格內一欵該諸捕盜官如能巡警盡心使境  
內盜息者爲上雖有過失起數而限內全獲者爲次其因  
失盜累經責罰未獲數多者爲下到選之日考其實跡定  
其陞降卽目南方見有草賊去處若平治有法使盜清民  
安另議聞奏陞擢欵此遍行合屬依上施行去後省府照  
得各路季申過失盜賊數多縣尉巡檢專任捕盜得替給  
由到省並不依上開寫仰今後捕盜官得替於解由內開

寫任內過失強竊盜賊已未獲起數責罰訖罪名明白申省如是到來照勘得但有漏落定將當該官吏究治

**又**大德五年七月湖廣行省准中書省咨樞密院都事王毅呈近因奔喪還家回赴大都於大德五年正月十一日到東平路東阿縣北直強賊二人各騎馬匹懸帶弓箭將毅等喝令下馬將原騎馬匹衣服鈔兩等物盡行劫奪告報慰司坐視不以爲意及開到本縣日近失過盜賊匿不申報各各起數此係經行驛路如蒙選官究治庶使道路通便具申照詳都省除外咨請照勘各處未獲強竊盜賊起數釐勒軍民捕盜官兵依例取招斷罪仍取路府州縣達魯花赤管民正官常切用心警捕毋致盜賊生發但有不嚴驗起數多寡就便約量責罰任滿於解由內開寫

**又**大德八年四月湖廣行省准中書省咨爲都事王毅因奔

喪還家回到東平路東阿縣北直強盜二人各騎馬匹懸帶弓箭將鈔兩等物盡行劫奪告報慰司不以爲意咨請照勘未獲強竊盜賊起數釐令軍民捕盜官兵須要得獲送官歸勘如是不獲即將捕盜官兵依例取招斷罪仍取路府州縣達魯花赤管民正官常切用心警捕無致盜賊生發但有不嚴驗起數多寡就便約量責罰任滿於解由內開寫已經遍行合屬依上施行去訖在後湖南道節次往往於得替職官解由雖有開到任內失過強竊盜賊亦曾開寫責罰緣故省府議得強竊盜賊路府州縣管民正官抗治百姓理斷詞訟辦集錢糧造作供應百色事繁中間但有愆期敗誤俱有責罰定例况江南山林湖泊繁多地勢險惡強竊盜賊時常有之各處鎮守軍民官兵當任其責其路府州縣官屬千里百里間任內強竊盜賊所不

能無如三限不獲拘該捕盜官兵已有責罰通例若驗依數多寡又行責罰路府州縣正官任滿解由內開寫是使管民官歷兩任之間俱有過名其於公勤廉白治効特異者亦不免於瑕玷以此著詳似涉大嚴莫若今後遇有過失強竊盜賊三限不獲照依舊例決罰當該捕盜官兵任滿解由內開寫作例點降若境內儻有強竊搦惑聚眾爲寇須取路府州縣管民正官撫字不到失於覺察招伏依例責罰任滿解由內開寫相應移准中書省咨送刑部議得江anzhou郡鎮店關津把隘去處俱有巡捕官兵又撥官軍專一鎮遏各處達魯花赤差官提控捕盜其餘官員所辦事務繁重難與職專捕盜人員一例開寫盜賊過名以此參詳如准行省所擬相應都省咨請依上施行

**有解由不給據**元貞元年九月江西行省准中書省咨吏部



呈奉省判御史臺呈河北道廉訪司申汴梁路許州張仲謙詐捏曾充長社縣并許州司吏次充廣東宣慰司令史患病還家許州保申汴梁路求敘取到本人招伏量斷外看詳今後內外大小官吏但有得替或罷免求敘者須要經由任所官司從實照勘本人歷仕根腳實俸月有無贓濫過犯保結明白給由出勘合公據付本人收執遇選委之際憑此定奪其罷免者於解由內及公據上明白稱說罷免緣由雖有解由而原公據者不許敘用本臺參詳即係通例具呈照詳送吏部議得官吏得替罷免求敘經由任所官司照勘歷仕根腳俸月有無贓濫過名保結申覆所屬上司中間但詐冒隱蔽不實依已行罪及給由官吏既有勘合解由不須重給公據具呈照詳得此都省議得捏合根腳詐冒求仕合行禁約餘准部擬施行

整理 整理給由事理大德元年三月初七日中書省奏准下項事

一件外任官員解由到吏部呵爲照過名行移刑部爲照粘帶俸月行移戶部爲辨驗宣敕文憑行移禮部似這般行移各部回轉與吏部中間爲這般行移求仕人生受有在先待更改行的不是不會尋思來從前這般細意行來的勾當如今不細意經直行有麼道恐有人說的上不會更改來的緣故是這的如今欽奉聖旨眾人商量來正合關防的是吏部不須行移各部爲照過名止行移刑部者吏部裏置立文簿將各人歷過月日但有合關防的事標附在簿子上就照了定奪呵較疾也者這般商量來奏呵奉聖旨也是那般者

一件管民官解由爲軍人奧魯行移樞密院爲站赤勾當行移通政院爲農桑勾當行移司農司他每當該令史又行會各房則倒換了那文字卻與將俺根底來爲那般上好生遲滯如今那衙門裏行移那文字不教行移根腳裏解由本處照勘完備與將省部裏來者俺這裏照勘無粘帶依體例委用呵怎生奏呵奉聖旨是也那般者欽此今後各官得替照勘本官任內有無逃竄軍站戶計擅科差役騷擾不安及提調農桑義糧等各各欸目依例於解由內明白保結

開申

給由開公罪名大德三年三月江西行省據左右司呈官員公錯罰俸輕罪外審合無於解由內開寫移准中書省咨該送刑部照擬得職官之過贓染私罪應有解降者也已

有定例緣公致罪不致解降而罰贖者若不於解由內開寫其於遷選之際無以可考殿最擬合移咨行省依上施行相應由都省准擬請照驗施行

**會提調鹽官解由開寫**大德四年十月湖南道宣慰司奉湖廣行省劄付連到提調鹽法官員得替給由體式該滿任官員給由別不會開寫任內節次客旅販到鹽貨賣訖數目拘到退引未賣鹽袋簿籍交割代官仰遇有提調鹽引官員給由照依體式開寫

**給由開具收捕獲功**大德七年二月湖廣行省劄付准中書省咨照詳付諸官員解由多有開陳遠年軍功都省議得諸人收捕草寇除至元三十一年以前經隔年遠難以體究別無定奪已後獲功之人若總府官隨時保結開白廉訪司體覆是實照勘一切完備並依舊例擬議今後應有

首告捕獲作耗叛亂首從賊徒者宜患之日總兵官隨即考究實績開具某年月日何人首告某處某賊作耗某年月日某人於何處與賊如何相殺獲功將殺死捉獲首從人數各各備細解由從實保勘明白別無爭功之人行移行省宣慰司再行委官體覆是實以憑定奪但有妄冒不實者監察御史廉訪司官依例體察仍將妄冒人員並保勘體覆官吏黜降斷罪除外咨請依上施行

**官員給由開具過名**

大德七年六月初五日江西行省中書省咨刑部呈會驗至元三十一年十一月十一日承奉中書省劄付本部原呈各處經斷官吏俱送標附以備照勘此等人員畏避前過不行開寫朦朧求仕今後各處經斷官吏須要於起給解由內開寫原犯過名斷罷緣由申覆合于上司如有隱蔽不行開寫者罪及給由官吏仍令各

道廉訪司更爲檢察庶望少革濫給之弊都省准呈遍行合屬照會依上施行了當近年以來諸求仕官吏人等各將所犯罪名隱蔽不於解由內開寫縱有開到過名即無備細招詞擬斷緣由除本部有文簿可考者依上照擬回報若原文案者似難追究畧照出近准吏部關到潭州路達魯花赤安馬兒忽思原粘帶解由本部照出即係經斷降等之人卻不開寫又有先任犯罪除名止云後任腳色因而僥倖求仕似此多端不能遍舉蓋是當該官司滅裂原行以致如此及應當怯辭告廢原職役白身人等亦令本部照勘會無經犯十惡奸盜但有似此過名隨處俱得斷決例不申部何由得知止是往復虛文而已又廉訪司因事取問官吏事內止寫某官亦有招涉俱無所犯斷決緣由贓濫冊內亦行隱漏必須駁問再行照勘逗遛停滯

之難以此參詳今後諸衙門應有斷過官吏並應當怯辭同職官子姪人等罪名隨即具寫所犯事理斷訖情由行移本管官司置簿標附專委又資正官提調須於解由併申文解內備細開寫仍標附提調正官首領官吏姓名如解由保申到部查照得卻有隱漏定將當該提調官首領官吏姓名取招斷罪據廉訪司斷過有招官吏須於贓濫冊內明白開具呈報無致以前隱漏仍令監察御史廉訪司詳加糾察相應具呈照詳都省議得各道廉訪司應有斷過官吏隨即開具備細行移各管官司照驗附簿首領官如法收貯其餘諸衙門斷過者一體附簿凡任滿給由人員必須仔細照勘備細回報解由明白開寫廉訪司官每遇巡按與其文卷一體照刷其經監察御史斷者申臺呈省餘准部擬咨請依上施行

**殿罷官員即與解由**

大德十一年二月江浙行省准中書省

咨來咨腹裏遷轉人員授除福建川廣雲南遠方或有貪吏奸民搜羅小過雖不枉法罪在殿年既已罷職必然還家聽候若不就給解由再候三年復去任所給由往復生受誠可哀矜今後但犯合殿官員經斷之後即令任處依例給由殿限滿日注授相應咨請照驗准此送刑部照得大德三年正月初八日欽奉詔書內一欵節該諸牧民官不先潔己何以治人今後因事受贓除依例斷罪犯枉法贓者即不敘用不枉法贓須殿三年方聽告敘再犯終身不敘欽此大德七年三月欽奉聖旨節該近年所定贓罪條例互有輕重特敕中書集議酌古準今爲十二章云云條例云云見元部賦之類欽此本部議得遠方除授官員任內犯贓既是依例斷罪所據殿敘一節擬合欽依施行具呈照詳得此新



省咨請照驗依上施行

給由置部首領官提調大德十一年五月福建道廉訪司檢

會到據奏准至元新格內一欵諸官員解由已有定式

全文

見本

卷 又一欵諸官吏所受之事欵此

全文見公規類至元新格

又照得大

德八年五月十三日承奉江南行臺劄付准御史臺咨承奉中書省劄付吏部呈奉省判御史臺係監察御史吳承務呈近聞各處任滿官員給由如職諸州縣申覆府路職府路者呈宣慰司比至自下而上轉達行省得起咨文方赴部省近者有至半載遠者不下一年蓋所申官司不以得代官員往復給由生受爲念指以勘會爲民刁蹬留難勒取久物及其日月懸遠恐致照出稽遲朦朧作弊倒題日月檢勾人吏又不用心檢舉雖爲照刷其弊難知卑職參詳今後出給官員解由擬合專委首領官一名提領所由

官司照驗文字到日爲始定立程期並要限內照勘了畢隨即發遣另置文簿以備照刷當該人吏依例每一勾銷檢勾人員每日一檢舉但有稽違不應隨事舉行如此不惟少塞遷延之弊抑亦不致求仕人難本部參詳今後如遇得替官員解由呈所由官司擬合另置文簿委自首領官一員不妨本職專一提調當該人吏當切勾銷檢舉毋致延遲人難若中間但有稽遲月日究治相應具呈照詳都省仰照驗依上施行

# 致仕

**官員老病致仕**至元二十八年四月二十三日尚書吏部承奉尚書省判送本部呈近奉省劄諸職官年及七十者合令依例致仕本部議得職官年已七旬到部求仕相視得老病不勝職任擬合致仕如精力未衰別無疾病者依例遷敘若年未及委有疾病自願致仕者聽呈奉都堂鈞旨准呈施行

**七十致仕**大德七年九月二十九日江西行省准中書省咨議得諸職官七十致仕禮有明文比見年及者往往馳驅仕途倘因疲倦誤事或被彈劾不能全其晚節良可憫惜今後內外官員有及七十者擬自三品以下驗所歷月日於應得資品上優與散官致仕其德望素著爲時所重翰

林集賢侍從老臣備朝廷咨詢者不拘此例移准中書省咨於大德七年七月二十日奏過事內一件在先體例裏做官的人每年紀到七十呵勾當裏不行有來如今做官的年紀年老的人根底依着他每的言語委何呵耽悞了勾當去也今後除側近行的集賢翰林院裏用著的有知識老的每外其餘內外做官的人每年紀到七十呵三品以下的官員他應得的品級上添與一等散官教閑呵怎麼道大都有的伴當每奏將來有奏呵奉聖旨那般者欽此

年過七年依例致仕大德八年十一月湖廣行省准中書省咨吏部呈平陽路絳州申照得前安西路咸甯縣尹李溫恭授絳州判官代見任郭徵事滿缺本官已過致仕之年乞照驗得此具呈中書吏部河東山西道宣慰司照詳未

蒙明降大德八年六月十四日承准河東山西道廉訪司牒承奉御史臺劄付備奉中書省劄付吏部呈南康縣尹張德成年及七十未曾注代議得縣尹張德成即是年已七十合咨行省候代給申參詳其餘年及七十現任官員合無一體施行得此議得現任官員得代給由依例優陞仰照驗施行承此已經遍行照會去訖今據前因府司除已行下絳州照會之任外乞照驗得此照得先准河東山西道宣慰司關未任絳州知州翟汝弼年七十二歲判官李溫恭年七十一歲俱過七旬若蒙依例致仕別行銓注相應准此已經具呈都省別行銓注及二次回關本司照驗去訖今據見申議得李溫恭年已七十以上例應致仕即係例前已除未任本路卻於大德八年六月二十日照會之任以此參詳除側近集賢院翰林院用著知識老的

五六三  
典章十一  
三  
外其餘內外人員合自大德七年七月二十日格限以後  
理任並已除未任年及七十者合欽依致仕如蒙准呈照  
會相應得此除外請依上施行

**致仕家貧給半俸**大德九年六月欽奉詔書內一欵致仕官  
員自壯至老宣力多矣若止一子應承廕者並免僦使子  
幼家貧者給半俸終其身雖年七十以上精力未衰材識  
可取者錄用之

**致仕加授散官職事**大德十六年六月行臺准御史臺咨據  
監察御史馬奉訓迭里威實承德呈伏惟仕宦者七十而  
致仕乃古今之通制也欽觀聖朝凡致仕官員加以一官  
子幼家貧者給半俸終其身又出古制之上也蓋爲人臣  
子竭忠致身勞於王事歷年深遠宣力良多所以加其行  
賜之一官然職事如舊而鄉閭戚黨稱呼仍前莫不令人

悵惜哉似恐未見增其榮雖自古國家名器不可假人你  
賀皇元優憫致仕褒加一官榮顯其身光於宗族遺之子  
孫恩寵至矣畧舉裕州同知何瑄三任主簿縣尹兩任忠  
翊校尉同知一任六十九歲解由到部該陞從六至大德  
八年得除扣該七十致仕加授一官照信校尉別無職名  
以此看詳既全晚節老於不任何惜一職之難未盡其善  
今後加官若驗應得品級遙授一職易其舊呼新其稱號  
光華所被星煥重輝即家而拜君子盡遺榮之美將見國  
家隆仁待下殊貴臣子厚莫重焉使致仕者養素丘園白  
首樂太平之壽域投閑閭里丹心報國祚之無疆上彰洪  
恩之盛美下見仕宦之尊崇誠不負平昔之艱庶激昂將  
來之勸具呈照詳得此呈奉中書省劄付大德十年正月  
二十一日奏過事內一件做官的人年老勾當裏行不的

呵在前奏過添與一等散官教致仕來添與了散官那人每若不與授的職事呵不宜的一般如今激勸勾當裏人每教向前行的上頭各人應得品級裏依舊添散官與遇授的職事教致仕呵怎生奏呵奉聖旨那般者欽此

**致仕陞散官**一等延祐元年閏三月行省准中書省咨皇慶二年十二月二十一日奏過事內一件做官的人每年至七十呵三品以下添與一等散官教致仕奏過行了來爲是三品以下教致仕的上頭疑惑著自四品以下官員與致仕宜有已到三品的不會與致仕宣命俺眾人將根原行來的聖旨裏照呵三品官員也合與有如今已到從三品的陞正三品到正三品的與正議大夫散官呵怎生奏呵那般者麼道聖旨有呵又奏蒙古色目官員內爲散官低如職事麼道比見授職事之上若不添與一等職事止



添與散官呵他每的子孫每不得濟不均的一般有三品  
以下官員職事散官皆陞一等教致仕呵怎生奏呵那般  
者麼道聖旨了也欽此都省咨請欽依施行



封贈

流官封贈等第

爵勳封贈

正從 正從 正從 正從  
 正從 正從 正從 正從  
 正五品 從五品  
 正從 正從  
 六品 七品

國公 郡公 郡侯 郡伯 縣子 縣男

正上柱國 正護軍 正輕車都尉 正騎都尉

驍騎尉 飛騎尉

從柱國 從護軍 從輕車都尉 從騎尉

三代 二代 二代 父母 父母 父母 父母 父母

三、四十  
典章十一  
三  
母妻並 母妻並 母妻並 父用散官 父用散官

同上

國夫人 郡夫人 郡君 縣君 母妻並 母妻並 母妻並 母妻並 母妻並 母妻並 母妻並 母妻並 母妻並 母妻並

同上

**官吏考廢封贈** 至元二十二年 見聖政門飭官吏類

**流官五品以上封贈** 至大二年九月立尚書省詔書內一

欵流官內五品以上父母正妻七品以上正妻尚書省次第議行封贈之制

**流官封贈通例** 延祐三年八月行省准中書省咨今年四月十八日聖旨來俺與御史臺官集賢翰林院老的每一處商量定例也聽讀過奉聖旨依著這商量來的通例合與的與者再不須奏麼道聖旨了也欽此今將封贈通例粘連在前都省咨請欽依施行

一封贈一品至七品流等第雜職不與

**正從一品**封贈三代

爵

國公

勳

正上柱國  
從柱國

母妻

並國夫人

特旨封王仍須稟奏其封王者母妻並國夫人

**正從二品**封贈二代

爵

郡公

勳

正上柱國  
從柱國

母妻

並國夫人

**正從三品**封贈二代

爵

郡侯

勳

正上輕車都尉  
從輕車都尉

母妻

並國夫人

奏過事內一件封贈是激勸人做忠孝的好勾當尙書省行的忒濫了如今恁共御史臺集賢翰林院老的每一處

三〇九  
典章十一  
三  
商量通定例休教高了休教低了休教濫了便行者麼道

**正從四品**封贈父母

爵

郡伯

勳

正上柱都尉  
從騎都尉

母妻

並郡君

**正從五品**封贈父母

爵

正縣子

從縣男

勳

正驍騎尉  
從飛騎尉

母妻

並縣君

**正從六品**封贈父母

父

止用散官

母妻

並恭人

**正從七品**封贈父母

父

止用散官

母妻

並宜人

一應封贈者一品至五品並用散官職事勳爵六品七品止用散官散官職事從一品

一封贈曾祖減祖一等祖降父一等父母妻並與夫子同每遇子孫陞品其父祖隨遷母妻同

一父母在任者不封已致仕並不在任者封之

一父母應封而讓曾祖父母祖父母者聽

一諸子應封父母者嫡母在所生之母不得封嫡母亡得並封若所生母未封贈者不得先封其妻

一諸職官例前因事受贓曾經解任者須再任無過方許申請今犯取受之贓並行追奪再不許封贈其父祖原有官止進一階者不在追奪之例

一應封贈之人曾任三品已上如立朝有大節功勳在王室者方許加功臣之號

一父祖原有官者隨其所帶文武官上封贈若已及封贈之官止於本等官上許進一階二滿者更不在封

贈之限

謂如子官至四品其父祖已帶四品之類

或兩子當封者從一高

文武不同者從所請婦人因其夫子封贈而夫子兩有官亦從一高

一封贈祖父母並母生封並加太字若已亡歿或曾祖祖父父在者不加太字

一職官居喪應封贈曾祖父母祖父母父母者聽其應受封之人居會祖父母祖父母父母及姑舅夫喪者服闋申請

一應封贈者有使遠死節臨陣死事者驗事擇議加封

一應封妻者止封正妻一人如正妻已歿繼室

謂正妻歿再娶者

亦止封一人餘不在封贈之限婦人因夫子得封者不許再嫁

一父祖曾任三品已上言亡歿生前有勳勞爲上知遇



者子孫雖不仕其實跡赴所在官司保結申請驗事跡可否量擬封贈無後者許有司保結申請

一僧道身既出家其父祖不在封贈之限

一凡告請封贈者隨朝並京官行省行臺宣慰司廉訪司現任官員於任所申請其餘官員現任並已除未任至得代日隨其解由申請致仕官於所在官司申請

一應封贈者並須依式申請若有詐冒不實並行追奪仍仰監察御史肅政廉訪司體察

一一品至五品宣授六品七品敕授如應封贈父母俱亡者通爲一道生者各另給降

一封贈謚例

一流官父祖曾任三品已上者許謚

四六八  
一凡請謚者許其家具本官平日德業文業勲勞政跡  
別無過惡經由所在官司照勘體覆相同保結申吏  
部勘會明白行移太常禮儀院驗事跡定謚議擬應  
得封贈呈省

一封贈申請狀式

某路府州准某官申牒現年若干本貫某州府司縣

某戶是何人氏今照得某現任某職所帶官品依等

第合封贈父母妻室如應封贈三代者即云今封贈

代者云今封贈祖父母父母並妻其應封贈父母父不會犯十惡除

名之罪所封妻委是以禮娶到正室並不是側室婢

妾奸婚娼優違法成親中間亦無詐冒違礙等事各

無父母舅姑未終喪服某自到任至今其間並無私

犯追奪等罪保結是實就抄初補末後所受宣敕的

本粘連在前開坐應封贈人姓名乞轉申封贈施行  
准此照勘相同折連原抄官吏准上保結是實合行  
開坐具申中書吏部照詳施行

一郡望本出某郡某氏

如無郡望色目人但云世居是何州郡

一應封贈人

父

如會仕云初任末後所帶官職亡則云某年月日身故生則云見任某職或在開致仕如不曾仕亡

則云身故不仕

母

生則云在堂亡則云身故

妻

某氏現年若干

合封贈三代二代者依上開

**失節婦不封贈**

延祐五年四月浙江行省准中書省咨御史

臺呈備監察御史呈竊聞治國以正俗爲先立政以興賢爲首僞不得行賢始得進賤不得貴爵必爲榮所有建白

事理內一件七品以上職官正妻以禮娶到別不違法者見行封贈及受封之後本夫身死不許適人誠爲盛典卑職竊詳婦有夫死適人者謂之失節得罪綱常之人今見行通例中雖有以禮娶到正室等條別不見職官娶到再醮之婦是否合得封贈今後如蒙除蒙古人外漢人職官正室如係再醮失節之婦不許受封庶幾士夫之家敦尚節義婦人女子亦知有恥爲係治體不輕具呈照詳得此延祐四年十月二十七日奏過事內一件御史臺備著監察每的文字裏根底與了文書有做官的人每以禮娶到的正妻根底與了封贈本夫身亡之後休再嫁者麼道立定通例有寡婦再嫁職官與封贈呵不宜有今後除蒙古色目外爲官的漢人求娶到寡婦根底不合的與封贈麼道說有俺商量來他每的言語是的一般有這般的每根

底不與封贈呵怎生奏呵那般者麼道聖旨了也欽此都  
省咨請欽依施行

延祐七年十一月欽奉至治改元詔書內一欵封贈之制  
本以激勸臣下比因泛請者眾遂致中輟今命中書省從  
新設法議擬舉行毋致冗濫